

Jesucristoi jdovaiye bque Apocalipsis

Mamabhinore coyuhiyebu Juan mch i toivacaiye bquede Jesucristoi jdovaiye bquede mcure. Juan mch barejaqumavu judiovacacu, Galilea amicurijoborcacu, aru Jess i yvaiye mne beor coyuhijeimaracacu. i mamicu Santiago bcque moa boaipecu bch barejaqumavu, Jesi rejaquiy e jipocare mcure. Lucas bch coyuhiyemavu Juan mchi borore Hch 3:1-4:22. Efeso amicuriimarocavu Jesre j aivure cor eipecu barejaqumavu. Iye jdovaiye bquede jrejaquemavu i ce bquede jabova ne boimu Patmos amicurijiahu (1:9). Apevu ne dpiaiyep e, toivacarejaquemavu iyoca paperayocare i cede nore. benita apevu ne dpiaiyep e, toivacarejaquemavu diyocare i cede Efeso amicuriimaroi o apeno imaro i, mcure ne jaetovarburu ybore no jiavure jocar. Toivacarejaquemavu Jesre j aipeva cojijivaivure siete panamia cojijiamiai Asia amicurijobori (1:4). Pecu cabebi majicu ye j i toivacaij bcarre diyocare, benita obedivu ne dpiaiyep e niuja bquede 94-98 d.C. baj i. Caiye ape toivaiye Majepacu Jmenijich yvaiye mamaene coyuhiitucuboque toivaiye bquede ne toivarburu ybore, Juan mch toivacarejaquemavu diyocare.

Juan mch coyuhiyemavu diyocaque i jaino mcarre Jesucristo meacu bajure, nai toivacarejaquemavu mácu mcure caiye iye i jdovaiye baquiyéde

ñ máchre (cap. 1). Ina coreipõeva mácavure Jesúre ju aipõevare siete painoa ñamaroacavu bácvure toivacarejaquemavu paperayocare (caps. 2-3). No yóboi, toivacarejaquemavu parare dacayu Jesúre ju aipõeva ñajivure ne ju aiye boje, ne majinajiyepo ayu aipe vaiquyede ijärvai buojaijärvare, Jesucristoi vainí tiquiyede abujuvai jabocare jaravarí aru mamajärvu báquiyede máre.

Juan ñi coyurí báino

¹ Iye coyuyebu Jesucristoi coreóvare daiyu põevare. Jämenijich coreóvare daicõjequemavu Jesucristore iyede áre memecaivure, ne coreóvaräjiyepo ayu iye vaiquyede maumena. Que baru ñ daroquemavu cùinách ñi ángelede ji yebai, ñi jådovaquiyepo ayu yure, Jüare, áre memecayure, aipe tequinore ijärvai. ² Yü coyuquijivu mäjare caiye ji jäkiye báquede, Jesucristo ñi coyuino mácarõ jåve bajure yure Jämenijichi yávaiyede.

³ Torojuçayume ñai järi boroteyu ji toivaiye báquede iye Jämenijichi yávaiyede coyucaiyede apevare. Aru torojuräjarama ina jápiaivu diede aru ju arí daivu yópe iye toivaiye daicõjeiyepo. Maumena vaiquyebu caiye iye.

Juan ñi meaicõjeino ina Jesúre ju aipõeva cójijivaivure

(Mt 24.30; Mr 13.26; Lc 21.27; Jn 19.34, 37; Hch 26.23; Col 1.18; 1 Ts 4.17; Ap 1.17; 4.5; 5.10; 20.6; 22.13)

⁴ Yü, Juan, toivacaivu iyoca paperayocare mäjare, siete paiyajuboare Jesúre ju aipõevare Asia ãmicurijoborõi. Jämenijich mearo dacajacarí

mujare bojecbeda ñi me boje aru torojurivu maje ñumei me c̄re dajacarī mujare úque cārijimevuvā. Que dacajacarī mujare Jūmenijicu, ñai c̄c̄ caride, aru c̄c̄ bácu javede, aru dacuyu apejāravure. Aru que dacajarāri mujare ina siete paivu decova curivu Jūmenijicu jaboci dobarō mearo jipocai.

⁵ Que dacajacarī mujare Jesucristo, ñai coyuyu bácu yávaiyede jāvene Jūmenijicurā p̄u ne yaiváiyeta úre, aru mamarumu nacajañu mácu yainore jaravarī, aru cōjeñu caivu ina ijāravucavu jabolare. Ñai Jesucristorecabe uc̄a majare. Majarecabu ñajijurorivu maje ámeina teiye boje. Úbenita ñi ue boje majare, úrecabe boarī jaravaicōjeñu mácu ñi bajure, bojedacuyu majare ñi jiveque, maje ámeina teiyede jaravarī. ⁶ Úrecabe epeyu majare ñi jaboteimara márajivuva aru sacerdoteva bárājivuva máre, maje memecarājiyepo ayu ñi mearore jímure, jípacure. Mearore jíjarāri caivu Jesucristore, ñai paracu caivu p̄ueno cainumua. Quédecabu.

⁷ Jājara. Cristo dacuyume ocopeniboaque. Caivu p̄oeva jārajarama úre, ina úre p̄evaivu bácavu jocucujaravena. Aru caiyajuboa p̄eyajuboacavu Jesúre ju abevu ch̄ori orājarama ne jidue boje, ne jāiyede úre ëmeñure cavarore jocarī. Quédecabu.

⁸ Maje jabocu Jūmenijicu, yópe arī, coyuyube, “Yurecabu báyu bácu aru yóbocacu máre. Que baru cāvu yu cainumua”, arī coyuyube Jūmenijicu, ñai paracu caivu p̄ueno. Que baru u c̄bi caride, aru c̄rejaquemavu javede, aru dacuyume apejāravu baquinóre máre.

*Juan ūi jāino Cristo meacʉ bajure
(Ap 1.8; 2.8; 22.13)*

9 Yʉ, Juan, mʉjecʉbu, maje jʉ aiye boje Jesucristore. Cʉrivʉbu maja úque cūinávʉpe. Yʉ máre ñájivʉ mʉjapedeca. Aru Jesucristo parʉre daibi yʉre máre yópe ūi parʉre daiyepe mʉjare, maje napinajiyepo ayʉ maje ñájiyede. Aru jabotede dacʉyʉme majare úque. Cútecacʉ yʉ jabova ne buoimʉ Patmos ãmicuriijavui, ji coyʉiye báque boje Jāmenijicai yávaiyede Jesucristorã. **10** Nore ji cʉede ñai Espíritu Santo dápiaicōjeame yʉre. Aru jápiacacʉ ji yóboi yávaino bʉjinore, yópe trompeta ãmicuriyo japuiyore japuiyepo. **11** Ñai yávayʉ yʉre coyʉáme, yópe arĩ:

—Toivajacʉ caiye mi jāiyede caride paperayoca ãmʉjʉriyoca cāriáiyocaque. Aru toivariburu yóboi jarojacʉ diyocare diyajuboa siete paiyajuboa Jesúre jʉ aipõevare Asia ãmicurijoborõi. Diyajuboa põeva cʉrivʉbu Éfeso, Esmirna, Pérgamo, Tiatira, Sardis, Filadelfia, aru Laodicea ãmicuriñmaroai.

Nópe arĩ, toivaicōjeame yʉre.

12 Copedicacʉ, jācʉyʉ ūre, ñai yávayʉre yʉre. Copedini jācacʉ siete paíjaraboa pẽoibua t̄oijaraboa úruque daijaraboare. **13** Aru dijaraboa coricai cāteame cūinácu ûmu. Maja, põevape páyʉ bateáme û. Doame ûmʉjʉricaje cuitótecaje ūi cabobaita eaicajede aru buoáme úruque daicãvare ūi ñareba cūináturʉ baji. **14-15** Ùi poda boe matʉiye bateávã yópe oveja poda lana ãmicuripodape, aru abobico jʉjʉrõpe máre. Ùi yacorʉa cojiteavã yópe toa uruiyepo, aru ūi caboba cojidiba bateávã yópe tāure toaijide dariburu yóbope. Aru ūi yávaino

jápurateavã yópe cãratãcuve ãratãcuve bãjinope.
16 Cãvateame ãi purã meapãravãcapurãi siete paivã abiácovare. Ùi jijecamure jocarã etavã cãináve boaicarove caipãcapãravãa ãpujidivepe. Aru ãi jiva pêoávã yópe aviá pêoiyepê jãravã coricare.

17 Ji jãiyede ãre, tãcacã yã ãi caboba yebai yópe yaiyã bâcãpe. Quénora tãoáme yãre ãi purã meapãravãcapurãque. Aru áme yãre:

—Jidãbejacã mã. Yãrecabu bãyã bâcã aru yóbocacã máre. Que baru cãvã yã cainãmãa.

18 Yãrecabu apãcã cainãmãa. Yãvacari yaidéjacacã. Ùbenita apãvã yã cojedeca. Aru apãcãyãmu cainãmãa. Quédecabu. Yãrecabu llavede cãvacã yaivã bâcavã ne carõre máre. Que baru yãrecabu baojayã nãicõjeñã pôevare toabo cãiméboi. **19** Que baru toivajacã caride mi jãiyede aru aipe vaiquíyede yóbore máre.

20 Que baru coyãquijivã mãre caride aipe aiyãrõre ina siete paivã abiácovare, mi jãimara cãrivãre ji prã meapãravãcapurãi, aru ijaraboa siete paijaraboa pêoibãa tãoijaraboa úruque dãijaraboa máre. Diebu aru nãmu Jãmenijicãi jãdovameno jipocamia ubenita jãdovaino caride. Jãvari coyãivã ina siete paivã abiácovape paivãre. Nãrecabu yópe ina siete paivã coreipõevape, Jesúre ju aipõeva cójijivaivã diñmaroai siete païlmaroacavã ne coreipõevape. Aru jãvari coyãivã ijaraboa siete paijaraboa. Dijaraboa recabu yópe siete paiyajuboape Jesúre ju aipõeva ne yajuboa cójijivaivã diñmaroa, siete païlmaroai.

Que arã, coyãáme yãre.

2

*Juan ūi toivacaino Éfesocavu Jesúre ju aipõevare
(Ap 22.2)*

1 Que arī, toivaicōjeame yare.

—Toivajacu ūre, ñai coreipõecure Jesúre ju aipõeva cójijivaivare Éfeso ãmicuriñmaroi. Yópe arī, toivajacu mu: “Yópe arī, coyubi ñai cuvacu ina siete paivu abiácovare ūi puru meapûravucapuru, ñai cucu ijaraboa siete paijaraboa pooibua tuoijaraboa jēneboi.

2 Coreóvaivu yu mi memeinore, memecayare uetayareca, aru mi napini ñájiyede máre. Coreóvaivu yu ye buojabecure napiñu poeva ãmenare, aru juri coreóvayare ina, ‘Ñujamu Jesúre ju aivare ne daroimara coyurujivu Jesú ui yávaiye méne’, mi majiquiyepa aivare ubenina juve maru ne coyuino. Que teniburu, coreóvaivu mu Jesúre ju aivare ne daroimara ãmevare. Quénora borocarivubu na.

3 Coreóvaivu yu uetabecuva napiñure mi ñájiyede yare boje dajocabecuva.

4 Ubenita cuináro mi dainore ãmeina juivu yu. Quíjino bajuta uvu mu yare caride. Mamarumare úteavu mu yare pare mi ûmei. Ubenita caride dajocaivu mu mi uede yare. **5** Caride ãrujacu yare javede mi pare ue báquepe. Chuori jaruvajacu mi ãmeina teiyede. Aru oatuvajacu mi daiyede, dacuyu yópe mi daiye báquepe mamarumare mi coreóvaiyede yare. Pare úteavu mu. Ubenita que daiyabecu baru, ubecu bacuyámu mu yare. Que baru mi yebai dari, mi pooibua tuoijarabore ñi, nuvacuyumu dijarabore mure jocarí.

6 Ùbenita cūináro mi dainore me jāivu yu, mi ãmeina jāiyede ina nicolaíta ãmicuriyajubocavu ne daiyede. Yu máre ãmeina jāivu ne daiyede.

7 'Caivu me jápiajarã ñai Espíritu Santoi coyuyede Jesúre ju aipõeva cójijivaivure: 'Ina mujacavu vainí tuivure ãmenore jaravarí ãicõjecuyumu yu Jämenijicai jioba coricacacu jocucu jëiduare, apure dajocucu dicu ãmiá', arí coyuyube ñai Espíritu Santo", arí toivaicõjeame yure.

Juan ñi toivacaino Esmirnacavu Jesúre ju aipõevare

(Ap 1.17; 20.14; 21.8; 22.13)

8 Bedióva cojedeca yópe áme yure.

—Toivajacu ûre, ñai coreipõecure Jesúre ju aipõeva cójijivaivure Esmirna ãmicuriñmaroi. Yópe arí, toivajacu mu: "Yópe arí, coyubí ñai býyu bácu aru yóbocacu máre, ñai yaiyú bácu nacajañu mácu apucu cojedeca. Que baru cuvu yu cainumua.

9 Coreóvaivu yu mi ñájiyede yure boje. Coreóvaivu märe cuve cuvabecure máre. Ùbenita jäve ure cuve cuvavu mu Jämenijicai cuve méne. Aru coreóvaivu yu caiye iye ne ãmeina yávaiyede mi borore ina 'Judíovabu ñuja' ubenina aivure. Ùbenita judíova baju ãmemna na. Quénora nárecabu Satanás jina. Aru cójijivaivubu, memecarãjivu ûre.

10 'Jiduþejacu mi ñájiquinore. Jäjacu. Ñai abujuvai jabocu buore dacuyame apevu mujacavure ãmeina teivure jení jacoñami, järi coreóvacuyu maje ju aiyede yure. Caipucapuape païjäravua baquiyéde ñájinajaramu muja. Ju ajacu yure pu mi yaiyeta. Que teyure, yu bojedacuyumu märe me.

Mare care dacuyumu jāravu cūiméjāravu baquinóre yáque.

11 'Caivu me jápiajarā ñai Espíritu Santoi coyuiede Jesúre ju aipōeva cójijivaivure: 'Ina mujacavu vainí tħivure āmenore jaravarī nūmenajarama toaboi cūiméboi', arī coyuuyube ñai Espíritu Santo", arī toivaicōjeame yure.

*Juan ᾶi toivacaino Pérgamocavu Jesúre ju aipōevare
(Jn 6.48-50)*

12 Bedióva cojedeca yópe áme yure.

—Toivajacu ūre, ñai coreipōecure Jesúre ju aipōeva cójijivaivure Pérgamo āmicuriūmaroi. Yópe arī, toivajacu mu: "Yópe arī, coyuibi ñai cħvacu ive boaicarove caipħcapūravu ħρħidivede. **13** Coreóvaivu yu mi curðre. Mu cuvu nore Satanás ᾶi jaboteinore, ᾶi jaboteimara jēneboi. Ūbenita nore cħvacari, me ju ayebu mu yure. Ānijāravu bácarð Satanás jina ne boarī jaruvaiye báquede Ántipas báħre, dajocabeteavu mi ju aiyede yure. (Ñai Ántipas báħu coyuuyu barejáme yávaiyede jāvene yurā pu ne boarī jaruvaiyeta ūre.) Boarī jaruvaima ᾶi mácure no mi īmalo, Satanái curði.

14 Ūbenita apejje mi daiyede āmeina jāivu yu. Apevu mujacavu curivu daivu bu yópe Balaam máħu ᾶi bueiye báquepe. Javede ñai Balaam máħu majicarejaquemavu Balac báħre ᾶi āmeina dare daquiyepu ayu ina Israecavu bácvu. Āicōjenejaquemavu na mácavure āiyede pēpeimarare ne jíye báquede. Aru āmeina daicōjenejaquemavu na mácavure apevque némarebucuva āmevque máre. Nópe Balac báħre daicōjenejaquemavu

Balaam mách. 15 Quédeca apevu mujacavu daivubu yópe ina nicolaíta ãmicuriyajubocavu ne bueiyepe.

16 'Que barureca chlori jarvajacu mi ãmeina teiyede. Aru oatvajacu mi daiyede. Ùbenita mi que daiyubedu, maumena dacuyumu yu mi yebai, ãdamatecuyu náre, ina Balaam máchi daiyepe daivure aru ina nicolaítava ne daiyepe daivure máre, ive boaicarove etaiveque ji jijecamure jocaru.

17 'Caivu me jápiajaru ñai Espíritu Santoi coyuiyede Jesúre ju aipõeva cójijivaivure: 'Ina mujacavu vainí thivure ãmenore jarvavaru ãicõjecuyumu yu ãiye me cavaru mearo Jhamenijicui curuquede, iye ãiye yaveiyede ijãravucavure jocaru. Aru jícuuyumu náre coapa cuinájibo curajibu borijibure. Dijibure toivaino cuvu cuináro ãmiá mamaro ãmiáre. Aru ina jacoparurajivu quévura coreóvarujarama no ãmiáre. Apecu cubecube coreóvayu no ãmiáre', aru coyuibi ñai Espíritu Santo", aru toivaicõjeame yure.

Juan ñi toivacaino Tiatiracavu Jesúre ju aipõevare (Mt 16.27)

18 Bedióva cojedeca yópe áme yure.

—Toivajacu ãre, ñai coreipõecure Jesúre ju aipõeva cójijivaivure Tiatira ãmicuriumaroi. Yópe aru, toivajacu mu: "Yópe aru, coyuibi Jhamenijicui máchu, ñai yacorua cojididua cucu aru ñi cuboba máre cojidiba yópe thære toaijide ñaruburu yóbope.

19 Coreóvaivu yu mi ñainore. Aru majivuucure yure aru apevure máre, ju ayure yure, memecayure Jhamenijicure, aru napiñure mi ñájiyede máre. Coreóvaivu mi dainore. Mearo daivu mu

caride mamarumu ju ayu yure mi daino mácaro
pueno.

20 'Ubenita cūináro mi dainore ãmeina jãivu
yu. Mu jaetovabevu nomióre õi ãmiá Jezabel. Õ
muje jéneboi 'Jámenijicu yávaiyede coyucaipõecobu
yu', ubenina aibico õ. Ói bueiyequ jujovaibico
ina yure memecaivure. Que baru ãmeina dare
daibico náre apevuque némarebucuva ãmevuque.
Aru ãre daibico náre ãiyede pêpeimarare ne jíye
báquede máre. **21** Joe coreniduivu yu õi chuori
oatuvacojiyepe ayu õi daiyede, õi jaruvacojiyepe
ayu náre õi ãmeina tede daiyede jaruvaru. Ubenita
oatuvaiyubebico õ. **22** Que baru ñajine dacuyumu
õre pare. Aru ijimo macodóme õ, parado õi
parainoi. Aru ina õque ãmeina daivu bácavu
ne chuori oatuvabedu ne ãmeina daiyede õpe,
paraicõjecuyumu náre máre õpedeca, pare ne
ñajinajijepe ayu. **23** Aru boaru jaruvacuyumu
caivu ina õi jujovaimara mácavure, mamara
majurórivupe paivure.

'Que daruburu caivu Jesúre ju aipõeva cójijivaivu
coreóvarujarama. Yurecabu coreóvayu caivu
põevare caiye ne dápiaiyede aru caiye ne
uede máre. Que baru bojedacuyumu mujare
coapa yópe muje daiye báquepedeca. **24** Ubenita
mujacapurvu Tiatiracavu dabevu yópe õi
bueiyequ. Coreóvaiyubevu muja iye Satanái majié
yaveiyede apevu ne daiyepe. Cubevu apeno ji
daicõjeino mujare copu. **25** Quénora dajaru yópe ji
coyuyepe ji yávaiye méne pu ji copaidaiyeta.

26-27 'Ina mujacavu vainí tuivure ãmenore
jaruvaru aru daivure yópe ji hrõpe pu ne yaiyeta,

jabotede dacuyumu náre cainoa joborõacavure iye paruéque yópe jipacui jabotede daiye báquepe yure. Jabotenajarama náre paruéque. Que baru cainoa joborõacavu ne ju abedu, ñarãjarama náre yópe jobojororure boarí yavaiyepo abodo tãuque daiyoque. ²⁸ Aru cuvare dacuyumu náre ñai abiácoru pẽoñu miadáre daiyede.

²⁹ 'Caivu me jápiajarã ñai Espíritu Santoi coyuiyede Jesúre ju aipõeva cójjivaivure", arí toivaicõjeame yure.

3

*Juan ñi toivacaino Sardicavu Jesúre ju aipõevare
(Mt 10.32; 24.43-44; Lc 12.8, 39-40; Ap 16.15;
20.12)*

¹ Bedióva cojedeca yópe áme yure.

—Toivajacu ûre, ñai coreipõecure Jesúre ju aipõeva cójjivaivure Sardis ãmicuriñmaroi. Yópe arí, toivajacu mu: "Yópe arí, coyubi ñai daroyu Espíritu Santore Jesúre ju aivu ne cójijiñamiai siete paílmaroai aru cuvacu ina siete paivu abiácovare máre. Coreóvaivu yu aipe ðayure mure. Ùbenina arí, 'Dayube Jämenijicai urõpe ñi paruéque', coyuvubu mura. Ùbenita coateyu bajubu mu Jämenijicure jaruvarí. ² Jürachcu, jabuóvayu buojabevu mu mi memecaiyede jocarí Jämenijicure. Que baru Jämenijicu ãmeina jâimi mure. Que baru cãñupe ãmejacu mu. Pueno parure ñarí ju are nure ñajacu mívare ne ûmei, ina coatebevure cãreja Jämenijicure jaruvarí, ne coateni bíjabenajiyepe ayu ûre jaruvarí. ³ Que baru ñrure ñujacu caiye iye Jämenijicai yávaiye méne ne bueiyede mi jápiaiye

báquede. Diede jápiarī, jʉ arī, chīori oatʉvajacʉ mi daiyede, jarʉvacʉyʉ mi āmeina teiyede. Úbenita nópe mi dabedu, dacʉyʉmu yʉ mi yebai yópe ñavaipõecʉ ūi daiyepo. Aru ji daquinʉmʉre ye majibecʉyʉmu mʉ.

⁴ 'Úbenita obebejīna curivabu no Sardis āmicurīlmaroi āmene dabeevʉ, yópe põeva docʉtede dabepe ne cuitótecajeare, ne daiye boje yópe Jāmenijicui ʉrōpe. Nárecabu dorājivʉ cuitótecajea boricajeare aru curājivʉ yáque. Que dārājarama me, ne napini coreiye boje Jāmenijicui jíye báquede náre.

⁵ 'Ina mʉjacavʉ vainí tʉivʉ āmenore jarʉvarī nápe paivʉ cuitótecajea boricajeare dorājarama. Ne āmiá toivaino mácarōre ānitucubo Jāmenijicui paperatucubo, caivʉ ina jāravʉ cūiméjāravʉ baquinóre cəvarājivʉ yáque ne āmiáre toivaitucubore tāreni jarʉvabecʉyʉmu yʉ ne āmiáre. Quénora, 'Ji põevatamu na', arī coyʉcʉyʉmu jipacui jāinore aru ūi ángeleva máre ne jāiyede.

⁶ 'Caivʉ me jápiajarā ñai Espíritu Santoi coyʉiyede Jesúre jʉ aipõeva cójijivaivure', arī toivaicõjeame yure.

Juan ūi toivacaino Filadelfiacavʉ Jesúre jʉ aipõevare

(Ap 21.2)

⁷ Bedióva cojedeca yópe áme yure.

—Toivajacʉ ūre, ñai coreipõecure Jesúre jʉ aipõeva cójijivaivure Filadelfia āmicurīlmaroi. Yópe arī, toivajacʉ mʉ: "Yópe arī, coyʉibi ñai meacʉ baju, memecayʉ Jāmenijicure, aru jāvene bueyʉ máre. Úrecabe cuvacʉ llavede, ñai jabocʉ David

bácu jino mácarõre. Yópe põecu voaiyepe bieivede aru bieicõjemepe apevare divede, nopedeca ãi daicõjeiyede põevare apede, ñame buojabenama daicõjemevu náre diede. Aru yópe põecu bieniburu yóbore divede máre, voaicõjemepe apevare divede, nopedeca ãi daicõjemene põevare apede, ñame buojabenama daicõjeivu náre diede. ⁸ Coreóvaivu yu aipe dayare mure. Coreóvaivu yu obebejña mívu cùrivare memecarãjivare yure. Ju aivu mu ji yávaiyede. Aru 'Jesucristobe ji jabocu', ju arí coyivu mu. Que baru jëvari coyurí, yópe põecu apecare ecoicõjeiyepo jedevacobe bieivede voarí aru apecare bieicõjemepe divede, nopedeca mure memecaicõjeivu yure. Aru põecu cùbebi mure memecaicõjemeni majicu.

⁹ 'Coyivu mure ne borore ina 'Judíovabu ñuja' aivare, ubenita judíova baju ãmemna na. Quénora Satanás jinatamu cójjivaivu memecarãjivu áre. Náreca ñuatutare dacuyumu yu mi cùboba yebai, ne coreóvarãjiyepo ayu ji baju ucure mure. ¹⁰ Napivu mu mi ñájiyede yópe ji daicõjeiyepo báquepe mure. Que baru järi corecuyumu yu mure mi ñájine daiyede. Caivu ijäravucavu Jesucristore ju abevu ne ñájinajiyepo jauvu náre. Ubenita mure cadatecuyumu yu, mi ñájimequiyepo ayu iye ñájiovaiyeque. ¹¹ Maumena dacuyumu yu. Dajacu yópe mi bueiyepo ji yávaiye méne apecu ãi ñimequiyepo ayu mi bojede mure.

¹² 'Ina mujacavu vainí tuivre ãmenore jaravarí epecchuyumu jabova pararivuva Jämenijicu cùrami jívui yópe bucúporarua parare daiyepo cùramine. Aru etabenajarama na nore jocarí cainumua.

Aru toivacuyumu yu nára Jämenijicai ãmiáre, aru Jämenijicai ñamaro ãmiáre máre. No mamaro ñamaro Jerusalén ãmicurðtam. Ëmequiyebu cavarð mearo Jämenijicai cürõre jocarñ. Aru toivacuyumu nára ji ãmiá mamarore máre.

13 'Caivu me jápiajarã ñai Espíritu Santoi coyuviyede Jesúre ju aipðeva cójijivaivure", arñ toivaicõjeame yure.

Juan ñi toivacaino Laodiceacavu Jesúre ju aipðevare

(Jn 1.3; 16.33; Col 1.15, 18; He 12.6; Ap 5.5)

14 Bedióva cojedeca yópe áme yure.

—Toivajacu ûre, ñai coreipðecure Jesúre ju aipðeva cójijivaivure Laodicea ãmicurðmaroi. Yópe arñ, toivajacu mu: "Yópe arñ, coyuvi dajocabecuva, ñai coyuvi yávaiyede jåvane Jämenijicurã pu ne boarñ jarvaiyeta ûre. Úrecabe Jämenijicai caiyede cuedare daimu mácu. **15** Coreóvaivu yu aipe dayure mure. Coreóvaivu yu maucuvabecure yure yópe jujateyape. Aru coreóvaivu yu memecabecure mi ümei yópe toaijiteyape. Mu ju ayvacari yure, majiéda quénora ju ayabu. Yópe oco avia ñi boiyequet toaijide daiocore ücuiyubepe maja, nopedeca mi majiéda ju aiyede yure ubevu yu. Mi me ju arñ memecaru yure, yópe toaijiteyape meajebu. Mi ju abeni maucuvetu yure, yópe jujateyape, meamejebu. Übenita mi ju aiye boje yure majiéda quénora, pueno baju meamevu. Que baru coavajacu mi baju yure jarvarñ o memecajacu yure mi ümei. **16** Übenita mi dabe boje yópe ji urðope majiéda toaijicapebu mu. Que baru

jaruvacumu mure yure jocaru yope ji jecutuiyepe
oco majiéda toaijiede ji jjecamure jocaru.

17 'Mácapuravu 'Ure cuve cuvavu yu', aruduivu
mu. Aru 'Apeju ye jaubevuu yure', aruduivu mu.
Aru 'Caiye cuináturu me nuivu yure ji majié boje',
aruduivu mu. Ubenita ye coreóvabecubu mu mi baju
chuloñure, yope comaje ãrojacupe, cuve cuvabecupe,
juri eabecupe, aru cuitótecaje cuvabecupe máre.
Yope juri eabecu ùi juri eabepe ijárvuquede, nope-
deca majide eabevu mu Jumenijicu jiede. Aru yope
cuitótecaje cuvabecu ùi cuyepe, nopedeca cuyevu
mu mi ãmeina teiye boje Jumenijicu jainore. **18** Que
baru majicayubu mure aipe daiye jaurõre mure.
Yope poecu bojedaiyepe úrure mearo baju toaijide
duaino mácarõre, mu juve cuve cuvaiyuu baru, jujacu
yure iye méne ji cuvaede. Dinumu maquinóre
juve cuvacumu mu urarõ méne Jumenijicu jiede.
Aru yope poecu ùi bojedaiyepe cuitótecaje bor-
icajede ùi doquiyede ùi bajure cuyoje tebecuyuu,
yope ãmeina teiyede joaimu mácupe bájacu mu ji
yaiye boje, cuyoje tebecuyuu mi ãmeina teiye boje.
Aru yope poecu ùi bojedaiyepe yaco taiyóiyede, ùi
me juri eaquiyede ayu ùi epequiyede, me jápiaru
adajacu iye bueiyede Jumenijicu yávaiyede, me
majicuyuu diede. **19** Yurecabu coreóvare duayu caivu
ji uumarare ne ãmeina teiyede aru ñájine duayu náre
die boje máre. Que baru pueno baju daiyuujacu
Jumenijicu ùrõpe. Chulori jaruvajacu mi ãmeina
teiyede. Aru oatuvajacu mi daiyede.

20 'Jujacu. Yope poecu nucu curami bieñamine
jedevai ecoiyucupe, mautecuyuu diñamicavuque,
nopedeca yu mauteiyuvuu muque. Yope ùi

órejaiyepe diñamicavare, ne majinajiyepo ayu
cucure, aru ne voarājiyepe ayu bieivede, nopedeca
mi coreóvaiyede yu mauteiyacure máque,
mauteicōjejacu yure. Dinumumica jícu bájacu mu.
Mi mauteicōjeiyede yure máque, mautechuyamu
máque. Aru yópe pōeva ne torojuepe cójjini áivu,
nopedeca me carājaramu maja. Yu mi yóvaimu
macuyámu. Aru mu ji yóvaimu macuyámu.

21 'Ina mujacavu vainí tuivare ãmenore jaruvarí
dobaicōjecuyamu yáque jabocu ji dobarō mearoi,
ne jabotenajiyepo ayu yáque. Quédeca vainí
t̄rejacacu yu ãmenore jaruvarí. Aru caride dobavu
yu jipacuque jabocu ái dobarō mearoi, jaboteyu
áque.

22 'Caivu me jápiajarã ñai Espíritu Santo
coyuiyede Jesúre ju aipōeva cójjivaivare", arí
toivaicōjeame yure.

4

*Juan ái coyuino cavarō mearocavu ne mearore
jíyede Jāmenijicure*

(Ap 1.4; 8.5; 11.19; 16.18)

1 No yóboi jācacu yu cojedeca jedevacobe
bieivede voaicobe bácarõre cavarō mearo
Jāmenijicai cárõi ecoicobede. Jápiacacu cojedeca
iye yávainore, ji mamarumu jápiaiye báquede b̄ujiépe
yópe trompeta ãmicuriyo japuiyore japuiyepe. Ñai
yávayu yure coyuáme, yópe arí:

—Dajacu yo cavarō mearoi. Mure jādovacuyubu
iye vaiquiye jaue yóbore, arí coyuáme yure.

2 Dinumumiareca ñai Espíritu Santo
dápiaicōjeame yure. Jācacu cūináro jabocu dobarō

mearore no cavarõ mearo Jämenijicai cárõi. Aru jácacu cūinácu dobacare noi.³ Ñai dobacu noi yópe cárabajoa pare bojecárijiboa cojidijibope árojacu cojiteame. Jaspe ámicárijiboa pare cojidijibope aru cornalina ámicárijiboa júarijibope árojacu cojiteame ñ. Aru jabocai dobarõ mearo tarabuteni náme cáteame. Ñai náme cojiteame yópe apebo cárabajibo pare bojecárijiboa esmeralda ámicárijibope.⁴ Jabocai dobarõ mearo yebai apenoa jabovai dobarõa mearoa veinticuatro painoa yópe meatarabu dobarí jápurrino mateávñ. Aru die coapa dobateima veinticuatro paivu bácuva, doivu cuitótecajea boricajeare aru ne jipobui cívateima úruque daitarabuare máre.⁵ No jabocai dobarõ mearo coricacarõre jocarí yaroino, yávaino bújino, aru ñpo tñino máre etavñ. No jabocai dobarõ mearo coricacarõ jipocai cítteavñ siete paivea cámavea pëoivea cojiéque. Diedecabu ina siete paivu Jämenijicai decova.⁶ Aru no jabocai dobarõ mearo coricacarõ jipocai cítteavñ apeda yópe jia urada jivarape paiya, ubenita me jári javaiyoya bateávñ diya.

No jabocai dobarõ mearo coricacarõ tarabuteni yóvaichuvaitóbucapüravuai cítteima yóvaichuvaviu apurivu. Aru ina apurivu cítteima yacorua caipucapüravu jipocare aru yóbore máre.⁷ Cúnácu nácacu yavi júacupe árojateame. Apecu yópe oteivecupe árojateame. Apecu apucu ñmápe árojateame ñi jiva. Aru apecu yópe míyavipe, águila ámicacu vuyupe, árojateame.⁸ Ina yóvaichuvaviu apurivu cívateima yacorua caino ne caveá náre coapa. Aru cívateima yacorua Caino ne caveái,

p̄uenocapūrav̄i aru cāchinocapūrav̄i máre. Jārav̄are aru ñamine máre dajocabev̄va yópe aiv̄a bateima:

Meac̄ube, meac̄ube, meac̄ube maje jaboc̄a
Jāmenijic̄. Īrecabe paruc̄a caiv̄a p̄ueno.
Īrecabe c̄ac̄a bácu javede, c̄ac̄a caride, aru
dac̄uȳa apejārav̄a baquinóre, aiv̄a bateima
na.

⁹ Ina apuriv̄a mearore jív̄a, pueðaiv̄a aru
toroj̄e de jív̄a bateima ñai dobac̄are no jaboc̄ai
dobarō mearo coricacarōi, ñai c̄ac̄are cainam̄a.

¹⁰ Ne nópe daiyedeca, ina veinticuatro paiv̄a
buc̄ava pueðarī ñatutaima áre dobac̄are no
jaboc̄ai dobarō mearo coricacarōi ñi jipocai.
Mearore jíma áre, c̄ac̄are cainam̄a. D̄vaima
ne jipob̄a adaitarab̄are jaboc̄ai dobarō mearo
jipocai. Aru yópe aimá áre:

¹¹ Ma, ñuje jaboc̄a Jāmenijic̄, m̄arecabu caiyede
c̄uedaȳa bácu. Caiye iye mi c̄uedaiye
báque c̄av̄a yópe mi urre. Que baru mi
meac̄a baju boje, ñuje mearore jíye aru
ñuje pueðaiye máre jaþv̄a m̄are aru ñuje
coreóvarājiye mi parueðe máre, arī coyuima
na.

5

*Juan ñi coyino iyoca paperayoca ûmújuriyoca
cāriáiyocarā aru Cristorā, ovejajic̄re ne aimura,
máre*

(Jn 1.29; 16.33; 1 Co 5.7; Ap 1.6; 3.21; 8.3; 20.6)

¹ Jācac̄a ñai dobac̄are jaboc̄ai dobarō
mearo coricacarōra ñi þarú meapūrav̄capurui
cūináyoca paperayoca ûmújuriyoca cāriáiyocare.

Caip̄capūrav̄a toivaiyoca bateáv̄. Aru diyoca jedeva t̄r̄vai bieino mácarō mateáv̄ yópe j̄ut̄rijoboyabea jājariyabea siete paiyabeaque. ² Aru jācac̄ ȳa cūináca ángele paruc̄re jēniari jāñure yávaino bujinoque, yópe ar̄i:

—¿Ñamema meac̄ baju burarī majic̄ iyabea siete paiyabea jājariyabeare, voac̄ȳa iyoca cāriáiyocare? ar̄i jēniari jāme.

³ Úbenita cūináca c̄ubeteame buojarī voaȳa diyabeare. Cavarō mearocac̄ c̄ubeteame. Ijārav̄cac̄ c̄ubeteame. Aru yaiv̄a bácav̄a ne carōcac̄ máre c̄ubeteame. Cūináca c̄ubeteame buojarī voaȳa diyabeare, jāc̄ȳa diyocare. ⁴ Que baru yácapūrav̄a ocac̄ pare, ne eabe boje cūináca meac̄ bajure, ñi voaquiyepe aȳa diyabeare, jāc̄ȳa diyocare. ⁵ Úbenita cūináca ina veinticuatro paiv̄a buvacac̄, yópe ar̄i, coyuáme ȳare:

—Obejac̄ m̄a. Ñai paruc̄a Judá ãmic̄riyajubocac̄ león ãmic̄ca yavipe páȳa daibi. Ñai jaboc̄ David báci p̄áramec̄ meac̄ bajube ñi. Írecabe javede vainí t̄uȳa báca ãmenore jar̄varī. Que baru ñi mac̄yáme burarī buojaȳa iyabea siete paiyabea jājariyabeare aru voarī buojaȳa diyoca cāriáiyocare, ar̄i coyuáme ȳare.

⁶ Din̄am̄a jācac̄ cūináca ovejajícre no jaboc̄a dobarō mearo coricacarō yebai ina yóvaic̄vaiv̄a apuriv̄a aru ina veinticuatro paiv̄a buvacari núteame ñi nore. Cáteame siete paijavaroa aru siete paid̄a ñi yacor̄a. Diedecabu ina siete paiv̄a Jāmenijic̄a decova ñi daroimara mácav̄a cainoa joborðai. ⁷ Ñai ovejajíca n̄ari

Íame diyoca cāriáiyocare ñai dobacure ñi pura meapúravucapurure jocarí. ⁸ Úi nore ñyedeca, ina yóvaicuvaivu apurivu aru ina veinticuatro buecava máre puedarí ñuatutaima ñai ovejajícaí jipocai. Cuvateima biabeiboare arpa amicuiboare ne purui náre coapa. Aru cuvateima jororuá úruque daiduare mumijue buididuare máre náre coapa. Jëvari coyurí diedecabu yópe Jämenijicai pöeva ne boroteiyepa paiye áque. ⁹ Aru yópe arí, yuriaima cünáro yuriaino mamarore:

Murecabu meacu baju. Que baru iyoca cāriáiyocare ñi, jääjariyabeare burarí buojaivu mu. Meacu bajubu, mure ne boarí jaruvaiye báque boje. Murecabu bojedayu bácu pöevare mi jiveque ne vainí turí ameina teiyede jaravarí, Jämenijicai pöeva marajiyépe ayu. Bojedarejaquemavu mu náre, caiyajuboa pöeyajuboacavure, aru caicamua yávaicamuacavure, cainoa ñimaroacavure, aru caijaborðacavure máre. ¹⁰ Epeivu mu náre, ne jabotenajiyepa ayu máque aru ne memecarajiyepa ayu majepacu Jämenijicure sacerdotevape. Aru nárecabu jabotenajivu ijäravucavure, arí yuriaima na.

¹¹ Bedióva cojedeca jääcacu. Aru jápiacach obe-
divu ángeleva ne yávaiyede. Jabocai dobarð mearo
coricacarð tarabuteni ina yóvaicuvaivu apurivure
aru ina veinticuatro paivu buecavare máre ne do-
barða yóbore cátima ina ángeleva, tarabuteni.
Obedimillones baju bateima na. ¹² Aru yópe arí,
codoboboima:

Ñai ovejajícu, ne boarí jaruvaimu mácuvacari,

meachh bajube. Que baru caivhre mearore jíye jahvh áre. Yópe arí, coyuhjarári na: “Úrecabe caiye parhéde chvach, aru caiye che upach, caiyede coreóvayh, aru caiyede daiye majich máre”. Que baru caivh puedajarári áre, mearore jíjarári áre, aru torojhede jíjarári áre máre, aima na.

¹³ Aru jápiacach yh obedivh yuriaivhre. Caivh cavaró mearo Jämenijichi chrhocavh, aru caivh ijárvacavh, caivh yaivh bácvh ne chrhocavh, aru caivh jia uhradacavh máre, caivh Jämenijichi chedaimara yuriaima, yópe arí:

—Ñai dobachre jaboch dobaró mearo coricacaróra aru ñai ovejajíhre máre, caivh mearore jínajarevh, aru náre puedarajarevh Cainumha. Nárecabu pheno mearo baju aru parhrivh baju caivh pheno Cainumha, arí yuriaima na.

¹⁴ Ina yóvaichhvaivh apurivh, “Quédecabu”, aimána. Aru ina veinticuatro paivh bhchava ñuatutaima, mearore jínajivh ñai chachre Cainumha.

6

*Juan ñi coyuino iye siete paíyabea jãjariyabeará
(Mt 24.29; Mr 13.24-25; Lc 21.25; 23.30; Ap 11.13; 16.18, 20)*

¹ No yóbore, jhacach Cristore, ovejajíh ne aimare, burayhre chináyabede iye siete paíyabea jãjariyabequede. Aru jápiacach chináh ina apurivhcach ayhre ñi yávaino bhjinoque yópe ñpo thinope. Yópe arí, “Dajach”, áme ñ. ² Jhacach chináh caballo bochre. Ñai tubach úra chvach ñi

tēmutarabure ūi p̄urhi. Jím̄ mateáme cūinátarabu jipobu adaitarabure yópe ne jíyepe ñai vainí tuyure. Etame vainí tuyu apevure jocarī, aru vainí tucayu máre.

³ Ñai ovejajīcu ūi buraiyede apeyabe jājariyabede, jápiacacu apecu ina apurivucacure, “Dajacu” ayure. ⁴ Que aiyeda, etame apecu caballo, jūacu. Ñai tubacu ūra ādamatede daicōjeim̄ mateáme ijāravucavure, ne boarī jaravarájiyepo ayu ne baju. Que teni cārijimenore cūiné daicōjeim̄ mateáme. Cuvateame cūináve boaicarove ūmujurivede.

⁵ No yóboi, ñai ovejajīcu ūi buraiyede apeyabe jājariyabede, jápiacacu apecu ina apurivucacure, “Dajacu” ayure. Jācacu cūinácu caballo ñemicure. Ñai tubacu ūra cuvateame cūináro ducuēde core-vainore ūi p̄urhi. ⁶ Jápiacacu apeno yávainore yópe. Japurateavu ina yóvaicuvaivu apurivu jēnebore. Yópe arī, coyuhávū:

—Cūinákilo quénora trigo āmicue pāu daiye bojedarī eaino mávu pōecu cūinájāravure ūi memeiye báque bojeque. Aru yóbecrikilos quénora cebada āmicue pāu daiye bojedarī eaino mávu pōecu cūinájāravure ūi memeiye báque bojeque. Úbenita āmedabejacu olivo āmicuricu jēidua córore aru vino úyacicorore máre, arī coyuhávū.

⁷ No yóboi, ñai ovejajīcu ūi buraiyede apeyabe jājariyabede, jápiacacu apecu ina apurivucacure, “Dajacu” ayure. ⁸ Jācacu cūinácu caballo cārajumecure. Ñai tubacu ūra Yaino āmicuca. Aru ūi yóbore dáme cūinách, Toabo cūimébo āmicuca. Boarī jaraváicōjeimara mateima ina obedivu pōeva ijāravucavu. Caivu ijāravucavu yópe

yóvaic̄avaiv̄a yajuboa teni, yópe cūináyajubocav̄a boar̄ jar̄vaic̄ojeimara mateima na boainoque, aru āv̄eque, duica ijiéque, aru āimara jijecuriv̄a que máre.

⁹ No yóboi, ñai ovejajīch̄ ñi buraiyede apeyabe jājariyabede, jācac̄ apev̄a yaiv̄a bácv̄a ne ūmene. Caiv̄a ina boar̄ jar̄vaimara mácav̄ure ne coȳhiye báque boje Jāmenijic̄ui yávaiyede, ne ūmene jācac̄ ȳa Jāmenijic̄ure jícaiyede juava cāchinoi. Da-jocabev̄va “Jāvemu” ar̄i coȳrejaquemav̄a Jesucristoi yávaiye méne. ¹⁰ B̄hjíe codobobor̄, yópe aimá:

—Mu, ñuje jaboc̄, caiv̄are cōjeñ̄u, meac̄ baju, aru jāveque coȳuȳbu. ¿Joe baju corede dac̄uyur̄a mu ñujare “Boropateiv̄bu muja”, mi aiyeta ijārav̄acav̄ure Jesucristore ju abev̄ure? ¿Aru joe baju corede dac̄uyur̄a mu ñujare mi ñajine daiyeta náre ne boar̄ jar̄vaiye báque boje ñujare? codobobor̄ aimá na.

¹¹ Ina yaiv̄a bácv̄a jímara mateima ne cuitótecajea boricajeare. Aru coȳimara mateima iye yávaiyede:

—Jabuóvajarā cāreja p̄u ne boar̄ jar̄vaiyeta caiv̄a ina mujev̄a memecaiv̄ure Jāmenijic̄ure. Boar̄ jar̄vaimara marajárama mujape, Jāmenijic̄ui yávaiyede coȳhiye boje, jápaima na.

¹² No yóboi, jācac̄ ñai ovejajīch̄ ñi buraiyede apeyabe jājariyabede. Pare cújiav̄a caino jobor̄. Aviá ñemiteame yópe p̄oева ne doiyepē ñeminicajede, orājiv̄a yaiv̄a bácv̄ure. Aru aviá ñamicac̄ jūac̄ bajura bateáme yópe jivepe. ¹³ Ina abiácova t̄ima cavarõre jocar̄, yópe jocac̄a jēid̄a t̄iyepē jocac̄ure jocar̄ ūmev̄a pare japuiyede. ¹⁴ No cavarõ

bíjavã, yópe toivaiye báque bíjaiyepa paperayocare cäriáriburu yóboi. Aru caicüa cäracüa, caiye jiavua máre jaravavã die cärõre jocarí. ¹⁵ Dinamure caivu jabova, aru cöjeivu, churaravai jabova, cäve cävarivu, parurivu, yebacavu, aru yebacavu ãmevu máre dupinanüima cäracobea jívai aru cäracüa üracüa cäraboa jëneboi máre. ¹⁶ Codoboborí órejaima cäracüa üracüare aru cäraboare máre, yópe arí:

—Tujacüari ñüjare. Yavejacüari ñüjare úre jocarí, ñai dobacure jaboci dobarõ mearo coricacarõra, ñi jámequiyepa aino ñüjare. Yavejacüari ñüjare úre jocarí, ñai ovejajícu jorojíni jañure. ¹⁷ Jave eaivu ijärvu parurijärvu, caivu Jämenijicure ju abevu ne ñájjärvu. Ñame buajarí númenama náre copu, ñai jaboci dobarõ mearo coricacarõi dobacure aru ñai ovejajícu máre, arí codoboboima na, jidurivu.

7

Juan ái coyuino ina ciento cuarenta y cuatro mil paivu Israecavurã

¹ No yóboi, jäcacu yóvaicuvaivu ángelevare núrivure maje cürrijoborõ türvai yóvaicuvaitürvai yebai na coapa. Japuicõjemeteima náre coapa iye yóvaicuvaipy ûmevuare ijärvuquede. Que teni japuicõjemeteima joborõre copu, jia uradare copu, aru apecu jocucre copu máre. ² Aru jäcacu apecu ángelede muri dayure aviá dainocapûravure jocarí. Cuvateame ñi purhi ñai Jämenijicu apucu ñi jädovare dainore ñinare. Ñai ángele codoboboame, majicacayu apevu yóvaicuvaivu

ángelevarare, ina Jāmenijic̄hi paruede jímará mácavure, ne āmedare ñarājiyepe ayu joborōre aru jia urreadare máre.³ Yópe arī codoboboame:

—Āmedabejarā cāreja yo joborōre, jia urreadare, aru jocuecare máre. Yéde āmedabejarā p̄u ñuje jādovaiye baquiyéta ina maje jaboc̄ Jāmenijic̄re memecaivure ne tātavarā náre coapa, jādovarajivu náre ū jinare, codoboborī áme ñai ángele.

⁴ Aru jápiacac̄ aipivu ina obedivu jādovaimara mácavure ne tātavarā Jāmenijic̄ jinape. Caiyajuboa doce paifyajuboa Israecavure jocarī ciento cuarenta y cuatro mil paivu baju cāteimada. ⁵ Judá báchi pāramenacavu doce mil paivu jādovaimara mateimada. Aru Rubén máchi pāramenacavu doce mil paivu jādovaimara mateimada. Gad báchi pāramenacavu doce mil paivu jādovaimara mateimada. ⁶ Aser báchi pāramenacavu doce mil paivu jādovaimara mateimada. Neftalí báchi pāramenacavu doce mil paivu jādovaimara mateimada. Aru Manasés báchi pāramenacavu doce mil paivu jādovaimara mateimada. ⁷ Simeón máchi pāramenacavu doce mil paivu jādovaimara mateimada. Leví báchi pāramenacavu doce mil paivu jādovaimara mateimada. Isacar báchi pāramenacavu doce mil paivu jādovaimara mateimada. ⁸ Aru Zabulón máchi pāramenacavu doce mil paivu jādovaimara mateimada. José báchi pāramenacavu doce mil paivu jādovaimara mateimada. Aru Benjamín máchi pāramenacavu doce mil paivu jādovaimara mateimada máre. Caivu ina jādovaimara

Jāmenijicʉ jinape ciento cuarenta y cuatro mil paivʉ baju bateimaða na.

Juan 旆i coyʉino ina obedivʉ Jāmenijicʉ jina borica jeare doivʉrā

(Mt 24.1; Mr 13.19; Jn 1.29; 4.10; 7.37; 10.1-16; 1 Jn 1.7; Ap 21.4)

⁹ No yóboi, jācacʉ obedivʉ baju pōevare. Ne obedivʉ cae boje, ñame bʉojarī corevabejebu náre. Caijaborōacavʉ, aru caiyajuboa pōeyajuboacavʉ, caicamua yávaicamuacavʉ, aru caílmaroacavʉ máre cáteima na. Núteima no jabocʉi dobarō mearo coricacarō jipocai aru Cristo, ovejajīcʉ ne aimʉ, 旆i jipocai máre. Caivʉ ina doima ne cuitótecajea borica jeare. Aru ʉjʉmedʉa paiyede cʉvateima náre coapa ne purʉái. ¹⁰ Yópe arī, bʉjíé codoboboima: Maje jabocʉ Jāmenijicʉ, ñai dobacʉ jabocʉi dobarō mearo coricacarōra, meadayʉbe majare. Aru ñai ovejajīcʉ máre meadayʉbe majare, aima na.

¹¹ Caivʉ ina ángeleva núrivʉ ina veinticuatro paivʉ bʉcʉva ne yóboi, ina yóvaichʉvaivʉ apʉrivʉ ne yóboi, no jabocʉi dobarō mearo coricacarō yebai, mori tʉima ne jivare, mearore jínajivʉ Jāmenijicare. No jabocʉi dobarō mearo coricacarō jipocai mearore jíma Jāmenijicare. ¹² Yópe arī, mearore jíma ʉre:

Quédecabu. Maje jabocʉ Jāmenijicʉ recabe caivʉ ne mearore jímu, aru ne torojure daimʉ máre. Ӯrecabe caiyede coreóvayʉ. Caivʉ torojʉede jíjarāri ʉre aru puedajarāri ʉre. Ӯrecabe caiye parʉede cʉvacʉ aru caiye méne daiye majicʉ máre cainʉmʉa. Quédecabu, aima na.

13 Aru cūinácu nácacu, ina veinticuatro paivu būcūvacacu, yópe arī, jēniari jāme yure:

—¿Ñamema ina pōeva doivu ne cuitótecajea boricajeare? ¿Ãrocavuba na? jēniari jāme yure.

14 Yópe arī, coyucacu áre:

—Mu, ji jabocu, majibevu yu. Murecabu coreóvayu náre, acacu yu.

Aru coyuáme yure:

—Nárecabu napivu bácvu ne ñájiye báquede pueno urrearō baju. Joaquemavu ne cuitótecajeare, bore darājivu dicajeare ñai ovejajíchí jiveque.

15 Que baru núrivubu Jämenijicu jabocui dobarō mearo jipocai. Memecaivubu áre ñi cärami jívui jāravure aru ñamine máre. Ñai dobacu jabocui dobarō mearo coricacarõra jāri corecuyume náre ñi cue boje náque. **16** Aipinumu ñájimenama na ñuvéna. Aru aipinumu cüiñómebu náre máre. Aipinumu aviá bórí ēmecube náre. Aru aipinumu toaijino máre cärijovamebu náre. **17** Nópe baquiyébu ñai ovejajíchú cucusu jabocui dobarō mearo coricacarõ yebai dobacu ñi jāri coreiye boje náre. Jipocatecuyume náre oco apure daioco píapóino carōi. Türecuyume caiye oride ne yacorvare. Aru torojure dacuyume náre cainumua, arī coyuáme ñai būcucusu yure.

8

*Juan ñi coyuino piniducayabe jājariyabena
(Ap 5.8; 11.19; 16.18)*

1 No yóboi Cristo, ovejajíchú ne aimu, burame apeyabe piniducayabe jājariyabede diyoca cäriáiyocare jocarí. ñi buraiyede diyabede, ye

yávaino jápurabení, caivu bi aimá no cavaro mearo Jämenijicai cároi coricaorare. ² Aru jácacu ina siete paivu ángeleva nûrivre Jämenijicai jipocai. Jímara mateima siete paivoa japuiyoare trompeta ãmicuriyoare náre coapa. ³ Apecu ángele dáme. Cuvateame ûi párui cûináru jorora úruque daidure mumijuede adaidure. Darí, nûteame Jämenijicaru jícaiyede juava jipocai. Jímu mateáme û ure mumijuede, ûi jicaquiyepe ayu caivu Jämenijicui pôeva ne boroteiyede áque. Que teni jiame diede Jämenijicaru iva juava úruque daivaru Jämenijicai jabocai dobaro mearo jipocai. ⁴ Iye mumijue éiyede, bico muavu Jämenijicai jipocai ñai ángelei párure jocarí. Muavu Jämenijicai pôeva ne boroteiyede áque. ⁵ Aru ñai ángele nûvari buiváme idu jororure toatuchia, ûi ño mácarore Jämenijicaru jícaiyede juavare jocarí. Buiváriburu yóboi, dûvame didure joboroi. Ùi dûvaiyede didure ñpo tuavu, yávaino bujino jápureavu, yaroino cojiteavu, aru joboro máre cûjiavu.

Juan ûi coyuino iye siete paivoa japuiyoa trompeta ãmicuriyoaru

⁶ Dinumure ina siete paivu ángeleva cuvarivu siete paivoa japuiyoare trompeta ãmicuriyoare meadaima, japurajivu diyoáre.

⁷ Cûinácu ángele nácacu mamarumucacu japuáme mamarumu ûi japuiyore. Ùi japuiyede, ocavu jâjaro yópe cárurajiboape, aru toabo jiveque ocainope tuavu joboroi. Yópe yóbecucoavaiyepe caino joborore, cûináro iye yóbecuecaro ñni bíjavu. Caiye yóbecuricuha jocucuha cáru, cûinácu ñni bíjavu. Aru

yópe yóbecue coavaiyepe caiye cõriá jãmenicõria máre, cûináro iye yóbecuecarõ, ñeni bíjavã.

8 Aru cûináchi yóbocach ángele japuáme ãi japuiyore. Ûi japuiyede, cûinácũ cûracũ unctione paicũ, ñicũ toaque dñvaicũ mateávã jia uradai. Yópe yóbecue coavaiyepe caiya jia uradare, cûináro iye yóbecuecarõ jiveteavã. **9** Caivu yóbecurã apurivu jia uradacavu curivu, cûinácu yaiáme. Aru caiye yóbecuecõua jiadocña uracña cue, cûinácũ bíjavã.

10 Aru pucarãi yóbocach ángele japuáme ãi japuiyore. Ûi japuiyede, cûinácu abiácoru uracu uruyu tñame yópe cãmavepe cavarõre jocarí. Caiye yóbecuecõua jia curiyare, cûinádare tñame ñai abiácoru uracu. Aru cainoa yóbecuecarõ oco pñapóinoa curõare máre, cûinárore tñame ã. **11** Jãmecu ãmicuteame ñai abiácoru. Yópe yóbecue coavaiyepe caiye oco ñuciocore, cûináro iye yóbecuecarõ jãmeteavã. Obedivu pñeva yaima, ina ñuciuvu bácvu die oco jãmene.

12 Aru yóbecuecarõi yóbocach ángele japuáme ãi japuiyore. Ûi japuiyede ñai aviá yóbecue coavaiyepe ñre, cûinára iye yóbecuecarõ ãmedaino mateávã. Quédeca vaiávã ñai aviá ñamicacure aru ina abiácovare máre. Cûináro ne yóbecuecarõ ãmedaino mateávã náre coapa. Que baru caivu ina yópe yóbecue coavaiyepe náre, cûináro iye yóbecuecarõ ñemiteavã náre coapa. Yóvaicvaiora jãravure ñai aviá bóbeteame. Aru yóvaicvaiora ñamine ina ñamicavu máre pñometeima.

13 Aru jãcacu cûinácu míyavipe páyure, águila ãmicucure. Vuyu bateáme pare ãmhi, cavarõ corica

bajui, aviá ūi cérōi jāravu corica baji. Jápiacacu ūi yópe ainore yávaino bujinoque:

—Āmeno bajutamu. Ina apevu yóbecurā ángeleva ne japurājiyede ne japuiyoare āmeno baju vaiquíyebu ijāravucavu Jesúre ju abevure, arī codoboboame ū.

9

¹ Aru yóvaicuvaivui yóbocacu ángele japusáme ūi japuiyore. Ūi japuiyede, jācacu cūinácu ángele abiácorupe ārojacu tuyu bácre cavarōre jocarī pu joborōita. Jímuc mateáme llavede, voachuyu ecoinu ūmujuricobede abujuva ne napini coreinoi ecoinore. ² Ñai abiácoru voame no ūmujuricobe ecoinore. Ūi voaiyede nore, toabico etavu dicobede jocarī. Yópe toabo urarō uruiyede bico urarō etaiyepa bateávū die toabico. Aru die toabico ñemíe ture dávū aviá ūi boiyede aru ūmevure máre. ³ Aru no toabicore jocarī mujuñuva darī ēmeima joborōita. Ina mujuñuva paruáde jímara mateima, dorenajivu yópe muriva joborōcavupe. ⁴ Āmedaicōjememara mateima caiye cōriáre, caicua jocucuare, aru caiye ape p̄aiyede máre. Quénora ina jādovamemara mágavure ne tūtuvavarā Jāmenijich jinape quévura ñájine daicōjeimara mateima ina mujuñuva. ⁵ Úbenita boarī jaruvaicōjememara mateima ina ne dorenajimarare. Quénora ñájine daicōjeimara mateima náre cūinápupe paiaaviava baju. Ina ne doreimara ñájima yópe p̄oecui ñájiyepa muri doreiyede. ⁶ Ina ne doreimara ñájinajarama pare ãnjāravu baquiyéde. Ne ãmei ñájiye boje, yaiyurajarama na. Úbenita yaino jēmequiyebu náre.

⁷ Ina mujuñuva ãrojateima yópe caballova meadaimara mácavu boarãñurajivupe. Ne jipobui cûvateima náre coapa apede yópe jipobu adaitarabua úruque daitarabuape. Aru ne jiva náre coapa ãmuvai jivape ãrojateavu. ⁸ Ne poda náre coapa nomivai podape ãrojateavu. Aru ne cõpiá máre león ãmicchã ãimachã yavipe páyui cõpiápe ãrojateavu. ⁹ Ne ñarebare cûvateima náre coapa apede yópe cûmaicajea tâucajeape paiyede. Ne caveá máre bujiteavu yópe põeva boarãñuivu jâturucuña caballovaque cûyaivu bujiépe. ¹⁰ Ne pícomua náre coapa muri pícomupe ãrojateavu. Aru doreima yópe muri ãi doreiyepo. Ne pícomuaque ñájine ñarí majiteima põevare cûináþurupé paiaaviava baju. ¹¹ Ina mujuñuva ne jabocu cûteame. Ù mateáme ñai ángele jãri coreyu dicobe ãmujuricobede. Hebreovai yávaicamuaque Abadón ãmicubi. Aru griegovai yávaicamuaque Apolión ãmicubi. Que aino põevare, ñájine ñayu aiyurõtamu.

¹² Que teiyede, cûináro ñájiovaino vaiáv. Ùbenita pucarõa jaúvu cãreja.

¹³ No yóboi, cûináþurupé paivui yóbocacu ángele japuáme ãi japuiyore. Ùi japuiyede, jápiacacu yu cûinácu ãi yávainore. No yávaino etavu Jãmenijicure jícaiyede juaiva úruque daivare jocarí. Diva Jãmenijicu jipocai cûrivai yóvaicuvaitõbuare jocarí etavu no yávaino. ¹⁴ Yópe arí, coyuáv no yávaino ñai ángele ãi japuiyore cûvacure:

—Jodejacu ina yóvaicuvaiyu ángelevare buoimara mácavure jia urada Éufrates ãmicuriya yebai, arí coyuáv.

15 Que baru ina yóvaicuvaivu ángeleva jodeimara mateima. Meadaimara mácavu batequémavu, boarí jarúvarājivu obedivu põeva ijárvacavure. Caivu yajubo cárivupe yóbecurāque cūinácre boarí jarúvarājivu bateima na. Meadaimara mácavu batequémavu nópe ðarājivuva cūináora beoiorare, cūinájárvavu beoijárvure, cūinácu aviá beoiaviare, aru cūináuji beoiujure máre. **16** Jápiacasu yu aipivu churarava caballovarā tubarivu daivure. Caivu ne obeno doscientos millones paivu cárteimada na.

17 Yópe decoboainope jácacu ina caballovare aru nára tubarivure máre. Ne ñarebare cárteima náre coapa cūmaicajea tāucajeare. Jūaro baju toape, júmeno cavarōpe, aru cárrajúmeno azufrepe máre jácacu yu ne cūmaicajeare. Ina caballosa ne jipobua yópe león ãmicucu ãimacu yavipe páyui jipobuape bateávñ. Aru ne jijecamuare jocarí etavñ toa, bico, aru azufrede máre. **18** Iye toa, bico, aru azufreque máre boarí jarúvaima na obedivu põeva ijárvacavure. Caivu yóbecurā cárivu, cūinácu nácacre boarí jarúvaima ina caballosa. **19** Ne boarí jarúvaiye parué cárteavñ ne jijecamui aru ne pícomui máre. Ne pícomua yópe ãðavape bateávñ. Ne pícomuaque cūima põevare yópe ãðavai cūiyepé, ijide ðarājivu náre.

20 Caiye iye vainíburu yóbore, ina põeva ijárvacavu yaibévu bácvu cárreja ye jarúvaiybeteima na ne pêpeimara mácavure. Quénora dajocabeteima ne mearore jíyede abujuvare. Aru dajocabeteima ne mearore jíyede pêpeimara mácavure. Ina pêpeimara mácavu põeva ne ðaimara mácavbu úruque, aru plataque,

bronceque, cāraboaque, aru joc̄chaque máre. Nárecabu yéde jāri majibevu aru jápiarī majibevu. Aru cuivu máre b̄ojabema. ²¹ Aru ch̄omevu, ne āmeina teiyede jarvavaiyubevu, oatvabeteima ne daiyede. Dajocabeteima ne boarī jarvavaiyede pōevare, ne yavié teiyede, ne āmeina daiyede apevque némarebuc̄va āmevuque, aru ne ñavaiyede máre.

10

*Juan ūi coyhino ángelena ñai c̄vacurā quíjiyoca paperayoca cāriáiyocare
(Hch 4.24)*

¹ No yóboi, jācacu apecu ángele paracure, ēmeñure cavarō mearo Jāmenijicui c̄rōre jocarī. Cūinábo ocopenibo cūmavu ūre. Cūinácu náme cáteame ūi jipobu p̄uenoi. Uí jiva pēoáv uópe aviái pēoyepe. Aru ūi ãraðoa yópe edivea uruiyepe toaque ãrojae mateáv. ² Cuvateame ūi purui cūnáyoca quíjiyoca paperayoca cāriáiyocare. Diyoca voaiyoca bácarō mateáv. Núteame ūi c̄boba meapūravucachbobaque jia uradai aru ūi c̄boba cācopūravucachbobaque joborōi. ³ Codoboboame yávaino b̄ujinoque yópe león āmicacu āimacu yavipe páyhi codoboboiyepe. Uí codoboboriburu yóbore, jápiacacu siete painoa õpo tuinoare. ⁴ Õpo tūriburu yóboi, toivajurocua batecácu ne yávainore. Ubenita jápiacacu apeno yávaino cavarō mearo Jāmenijicui c̄rōre jocarī. Yópe arī, coyháv ūre:

—No yávainore, siete painoa ñpo tñinoa coyuino mácarõre mure toivabejacu m. Yavejacu caivure jocarí ne coyuino mácarõre, arí coyuávü yure.

⁵ Dinumare ñai ángele, ji jaimu mácu núcure jia uradai aru joborõi máre, jãmúóame ãi puru meapúravucapurure cavarõ mearo Jämenijicu curõi. Aru yópe arí, coyuáme:

⁶ —Jämenijicurecabe apucu cainumua. Ñrecabe cuedayu bácu cavarõre aru caivu cavarõcavure aru caiye cavarõquede máre, aru joborõre aru caivu joborõcavure aru caiye joborõquede máre, aru jia uradare aru caivu jia uradacavure aru caiye jia uradaquede máre. Ñai Jämenijicu dare dajacurí yópe ji aiyepe: Napini corequiye cübejadeni. Järaju cüiquiyebu. ⁷ Quénora apecu ángele, ina siete paivu piniducacu, ãi japuri baiyede ãi japuiyore, Jämenijicu dacuyume yópe ãi dápaiye báquepedeca. Dacuyume yópe ãi jádovameno mácarõpe jipocamia ãi coyuise báquede ina ãi yávaiyede coyucaipõeva mácavu ãre memecaivu bácvure, arí coyuáme ñai ángele.

⁸ Dinumare jápiacacu bedióva cojedeca no yávainore, ji jápiaiye báquede cavarõ mearo Jämenijicu curõre jocarí. Yópe arí, coyuávü yure:

—Íchñujacu diyoca quíjiyoca paperayoca cäriáiyoca voaiyocare ñai ángele núcu jia uradai aru joborõi máre ãi purure jocarí, arí coyuávü yure.

⁹ Que baru ñai ángele yebai neri jeníacacu, ãi jíquiyepo ayu yure diyoca quíjiyocare. Aru úcapúravu áme yure:

—Iyocare ñi ãjacu. Jãmetequiyebu mi yapibui. Ùbenita mi jijecamure mumicorope ëmijuepiye. ãme yure.

¹⁰ Diyoca quijiyocare ñcacu ñi pñrñre jocarñ. Aru ãcacu yu. Mumicoro ëmijuepe dñpurateavu ji jijecamure. Ùbenita jãrhóriburu yóboi jãmeteavu ji yapibure. ¹¹ Dñnamure coyuima yure, yópe arí:

—Jañvu mure mi Jãmenijicu yávaiyede coyucaquiyepo cojedeca ina obedivu ñmaroacavurã, aru pñeyajuboacavurã, yávaicamuacavurã, aru jabovarã máre, arí coyuima yure.

11

*Juan ñi coyuino ina pñcarã coyucaipõevara
(Lc 21.24; Ap 6.12; 8.5; 13.5-7; 16.18-21; 17.8)*

¹ Maje jabocu jiame yure cùinádo corevaiyore yópe aboñyope paiyore. Aru coyuáme yure, yópe arí:

—Corevacñujacu mu Jãmenijicu cäramine, aru õre jícaiyede juavare aru ina mearoje jívure õre nore máre. ² Ùbenita corevabejacu tãibure Jãmenijicu cärami jedevare, judíova ãmevure jíno mácarõre. Ina judíova ãmev u bíjarorãjarama no ñmaro Jãmenijicu jinore cuarenta y dos paivava baju. ³ Aru yu jarochuyamu pñcarã ñmuvare, ne coyucaipõe ayu yurã apevure mil doscientos sesenta paíjãravua baju pu apevu náre boarñ jaruvaiyeta. Ina pñcarã dorãjarama cuitótecajeare yópe pñeva ne doiyepo orãjivu yaivu bácvare, arí coyuáme yure.

⁴ Ina pñcarã coyucaivu ñra, jëvari coyuáme nárecabu íchá pñcacuha jocacuha olivo ãmicuricuha

ijāravucavu jabocu jipocarā curicuape paivu. Aru jēvari coyurī nárecabu ijaraboa pucajaraboa pēoibua thoijaraboa ijāravucavu jabocu jipocarā curijarabooape paivu máre. ⁵ Ácu pōecu ñi ñajine daiyuriduru náre, toa etarī ne jijecamure jocarī ēni bíjaroquiyebu ne mauvare. Que baru nópe yainájarama ñame ñajine daiyuriduivu ina pucarāre. ⁶ Ina pucarā parué cavarivubu ocabede darí buojarājivu ne coyuiyedeca cāreja Jāmenijicurā. Aru parué cavarivubu jivetede daivu buojarājivu oco pīapóinoare. Aru duica ijié curre daivu buojarājivubu máre ijāravucavure aipino ne urōpe. ⁷ Ina pucarā ne buojaiyede ne coyuiyede, ñai ãimacu jijecucu ãmecu muñu ñamujuricobede jocarī ãdamatecuyume náre. Ñamateni, vainí tħrī, boarī jarvacuyume náre.

⁸ Yaivu bácvu ne bajuá báque ciquiyebu urarō ñmarocamara, ne Jesucristore boarī jarvacu ñmaroi, ne pēvaiye báquede ñre jocucujaravena. Diñmarore pōeva adama “Sodoma” aru “Egipto” máre, ne jādovarajiyepa aivu aipe ãmeno ãrojarore no ñmarore. ⁹ Cainoa ñmaroacavu, aru caiyajuboa pōeyajuboacavu, caicamua yávaicamuacavu, aru caijaborōacavu máre jārajarama ina yaivu bácvu ne bajuá báquede yóbecurijāravua corica bajureca. Yuarī jarvacicōjemenajarama na ne bajuá báquede. ¹⁰ Ijāravucavu Jesucristore ju abevu torojurājarama ina pucarā ne yaiye boje. Ina pucarā Jāmenijicai yávaiyede coyūcaipōeva mácvu ne ñajine daiye báque boje pare ijāravucavu pōevare, nácapūravu torojuve teni jínajarama ne bojecubeda jíyu ede ne baju.

11 Ubenita yóbecurijárvaa corica bajureca cāreja nore curíburu yóboi, Jāmenijicu náre nacovari yainore jaravarí, apure daquemavu náre cojedeca. Que baru nacajaima ina pucarā. Aru caivu ina jāivu bácvu nacajaivure cuecumaima pare.

12 Dinumare ina pucarā Jāmenijicai yávaiyede coyacapõeva jápaima apeno yávainore bñjinoque, yópe ainore cavarō mearo Jāmenijicai curõre jocarí:

—Muri dajarā yui, ávñ náre.

Ne mauvai jāiyedeca náre, muri naima ina pucarā ocopeniboque pu cavarō mearo Jāmenijicai curõita. **13** Aru dinumumiareca joborō cújiavu pare. Yópe caipucapurhape paide coavaiyepo caino no ñimarore, cūináro iye caipucapurhape paiyecarō bíjavu. Aru siete mil baju põeva yaima no joborō cújiye boje. Caivu apevu diñmarocavu apurivu cāreja cuecumaima pare aru mearore jíma ñai Jāmenijicu cavarō mearocacure.

14 Que teniburu yóbore, pucarōa ñájiovainoa vaiávñ caride. Ubenita cūináro jauvu cāreja. Maumejiena vaiquiyebu no.

*Juan ii coyacino siete ángeleva pinidcacu
japuiyena ii japuiyo trompeta amicuriyore*

15 No yóboi, apecu ángele, ina siete paivu pinidcacu, japusáme ii japuiyore. Ei japuiyede, yópe arí, coyacima obedivu cavarō mearo Jāmenijicai curõcavu bñjíequé:

Caride maje jabocu Cristo que jaboteivubu caivu ijárvucavure. Aru ii recabe jabotecuyu cainumha, arí coyacima na.

16 Dinamare ina veinticuatro paivu báchava dobarivu jabolai dobaroa mearoai Júmenijicui jipocai joboróita mori turi mearore jíma áre. **17** Que teni yópe arí, coyaima:

Mu, naje jabocu Júmenijicu, paracu caivu pueno, cuchu caride aru cuchu bácu javede, torojede jívabu mure. Murecabu jaboleni báyuu caivu pöevare mi parue ureque. Que baru torojede jívabu mure. **18** Eaivu yo järavu mi jadovajäravu mi jorojini jaiyede pöeva ne ameina teiye boje. Eaivu yo järavu mi jári corevajäravu caivu ina yaivu bácvare ne daiye báquede. Que baru caivu ijäravucavu mure ju abevu jijateima pare. Caride eaivu yo järavu mi bojedaijäravu pöevare ne daiye báque bojede. Me bojedacuñumu mu caivu mure memecaivare, ina mi yávaiyede coyacaipöevare aru mi pöevare, ina mure puelaivare máre, quijinare aru bácvare máre. Aru bíjaroquijivu mu caivu ina ijäravucavu apevare nájine daivare, arí coyaima na.

19 No yóboi, Júmenijicui carami, cavaró mearo ai curói curiñami voavu. Nore jaino mateávü ãnitõcu ina judiovai adaitõcure iveá cáravea Júmenijicu “Yópe dacacuyumu yu mujare”, ai arí toivaiye báque curitõcure. Aru yaroino cojiteavu, yávaino bujino japurateavu, ñpo tuavu, joboró cújiavu, aru ocaino jajaro yópe cárabioape tuavu máre.

*Juan ūi coyūino nomióra aru ãijuacurā máre
(Lc 10.18; Jud 9)*

¹ No yóboi, cūináro jādovaino urrearō jároteavū cavarōi. Jároteaco cūináco nomió cūmaimo máco aviáque yópe cuitótecajede cūmaiyepe. Núteaco aviá ñamicacu puenora. Ói jipobui cûteavū jipobu adaitarabu doce paivu abiácovaque. ² Micaco, juedocuvacodo bateáco maumejiena. Que baru pare odo bateáco, õre ijié boje. ³ Aru jācacu. Apeno jādovaino urrearō jároteavū cavarōi. Jároteame cūinácu ãijuacu uracu baju. Siete paibua jipobua cacu bateáme caipucapuruape pailjavaroaque. Cûteavū ūi jipobua coapa cūinátarabu jipobu adaitarabu. ⁴ Úi pícomuque jabubuame obedivu abiácovare cavarōre jocarī pu joborōita. Caivu yóbecurā abiácova curivu, cūinácre jabuborī ture dáme ū joborōita. Ñai ãijuacu mauteame ico nomió jipocai, áchuyu òi juedocuvateaco mamacu ûmujiccre, jabotecuyre caivu põevare paruéque, yópe ūi cùvajuroepe abodo tāuque daiyore. Que baru ñame dabejebu yópe ūi cõjeiyepo. Ùbenita ñai juedocu ñi nñvaimu mateáme pu Jämenijicu yebaita, jabocu dobarō mearoita. ⁶ Aru ico nomió dupini nñaco põecubenoi, Jämenijicu õre meadacaino mácarōi. Nore ãiye jímo macodóme õ mil doscientos sesenta pailjäravu baju.

⁷ No yóboi, ãdamateino mateávū cavarō mearo Jämenijicu curōi. Ángelevai jabocu ūi ãmiá Miguel ūi ángelevaque ãdamateame ñai ãijuaccre. Aru ñai ãijuacu máre ūi ángelevaque ãdamateniduame Miguejäre copu. ⁸ Ùbenita ãijuacu jäcapúravu ye

vainí t̄abeteima na, Miguejācapūravure. Que baru ñaijuacuñare cavarō mearo Jāmenijicuñi curōre mauteicōjememara mateima na cāreja. ⁹ Que baru ñai ñaijuacu ñracu ne jaetovaimu mateáme cavarō mearo Jāmenijicuñi curōre jocarī. Úrecabe ñaijuacu javecacu ñi ñamia Satanás, abujuvai jabocu. Úrecabe jujovayu caivu ijāravucavure. Ú ñi ángelevaque, nárecabu ñi jaetovaimara mácavu cavarō mearo Jāmenijicuñi curōre jocarī pü joborōita.

¹⁰ Dinumure jápiacacu apeno yávainore bujinoque, yópe ainore cavarō mearo Jāmenijicuñi curōre jocarī:

—Caride jave eaivu Jāmenijicuñi meadaijāravu pōevare. Jāmenijicuñi jādovaimi ñi paruéque ñi jaboteiyede. Cristo máre jādovaimi ñi paruéde. Caride jaetovaimume cavarō mearo Jāmenijicuñi curōre jocarī abujuvai jabocu, ñai boro coyurí adaiþecu bácu majevu Jesucristore ju aipõevare. Jipocamia ñai núch bateáme Jāmenijicuñi jipocai, boro coyurí adacuyu náre jāravure aru ñamine máre. ¹¹ Cristo, ñai ovejajícuñi ne aimu, ñi jive meiye báqueque bojedarejaquemavu majevu Jesucristore ju aipõevare ne ñameina teiyede. Ne ju aiyeque vainí t̄uyama ñai abujuvai jabocure. Aru coyuima Jāmenijicuñi yávaiyede dajocabevuva “Jávemu” ne aiyede Jesucristoi yávaiye méne. Aru iye ne yávaiye méne coyuienteque máre vainí t̄uyama ñai abujuvai jabocure. Boarí jaruvarājimaravacari ne nópe bueiye boje Cristo jiede, nácapūravu buede nñivu bateima ñi jiede dajocabevuva. Que baru jecbeni ne baju apuéde ijāravuhi, jidubevuva

napini coreima ne yainájinore. Que baru boro coyurí adaino c̄ubevu náre copu caride. ¹² Que baru torojue c̄iquiyebu cavarō mearo Jāmenijicui curōi. Torojujarā muja cavarō mearo Jāmenijicui curōcavu. Ubenita pare ch̄lorajarama ijāravucavu, ina joborōi curivu aru ina jia uradai curivu máre. Nai abujuvai jabocu ēmeimi muje yebai jarayu baju, ñi coreóvaiye boje maumejiena ñájichuyare.

Nópe jápiacacu yu.

¹³ Nai ñaijuacu ñi coreóvaiyede ñi baju ne jaetovaimu mácare joborōita, cujuáme ico nomióre, macare jue docuvaco bácore. ¹⁴ Ubenita õcapūravu jímo mateáco p̄cacavea, míyavipe águila ãmicučui caveáre, vucodo p̄oecubenoi, Jāmenijicui õre jíno mácarōre ñi curōita ñaijuacare jocarí joaita. Nore ñiye jíye jaquiyeye bateávü õre yóbecuriujsua aru apeñju corica bají. ¹⁵ Dinhmure ñai ñaijuacucapūravu jēcuturi japurí jaroáme urarō ocore ñi jijecamure jocarí yópe jiape, ñi maicojiyeye ariduyu õre, ñi bíjacojiyeye ariduyu. ¹⁶ Ubenita yo joborō cadateavü õre. Yo joborō jārōtiyeye dálavü iye urarō ocore, ñai ñaijuacui jēcuturi japurí jaroíye báquede. ¹⁷ Que baru ñai ñaijuacu pare jijateyu õre, ãdamatecunuame caivu apevu ñi p̄aramenaque copu. Nárecabu caivu ina ju aivu Jāmenijicui daicōjeiyede aru dajocabevuva coyuivu Jesús ñi yávaiyede jāvene pu apevu náre boarí jaruvaiyeta. ¹⁸ Aru ñai ñaijuacu núcuñuame ēpacūra jia urada ëcarui.

13

*Juan ñi coyuino ina p̄ucarā ñimara jijecurivurā
(Mt 24.24; 2 Ts 2.9-10; Ap 3.5; 17.3, 7-12)*

1 Dínamare jācacu cūinácu ãme ãimacu jijecucure muri dayure jia uradare jocarī. Siete paibua jipobua cuchu bateáme caipucapurhape pailavaroaque. Cáteavu ñi javaroa coapa cūinátarabu jipobu adaitarabu aru ñi jipobua coapa ãmiá ãmeãmiare toivaino mácarō. No ãmiá cojubeteavu Jāmenijicure. **2** Ñai ji jāimu yópe ãrojateame: Yavipe páyu bateáme ñi baju. Ùi cuboba miei cubobape bateávü. Aru ñi jijecamu ãimacu jijecucu león ãmichuci jijecamupe bateávü. Ñai ãijuacu jiame ñi paruéde ñai ãimacure. Dobaicõjeame jabochi dobarō mearora. Aru jaboteicõjeame ñre obedivu põevare. **3** Ñai ãimacure, cūinábu ñi jipobuacabu yaivájurorichuri bácarō curō ãrojateavu. Ùbenita no churi bácarōvacari paparī meateavu. No churi meateinore jāivuvata, caivu ijāravucavu Jesúre ju abevu pare cuecumaima. Aru nūima na ñai ãimacu yóboi, ne ju aiye boje ñi bueiyede. **4** Coreóvaima na ñai ãijuacu jíyu bácuru ñi paruéde ñai ãimacure. Que baru mearore jíma ñai ãijuacure. Aru mearore jíma ñai ãimacure máre. Yópe arī, mearore jíma na:

—Apecu cübebi parucu ñai ãimacupe páyu. Ñame maucuvarī, ãdamateni vainí tñivu bñojabenama ñre, aimu na.

5 Ñai ãimacu coyuicõjeimu mateáme, “¿Meacu bárica yu apevu pueno?” acuyu aru ãmeina yávacuyu Jāmenijicure máre. Aru jaboteicõjeimu mateáme cuarenta y dos pailaviava baju. **6** Que baru ãmeina yávame Jāmenijicurā, aru ñi cäramina, aru caivu ina cavarō mearo Jāmenijicui curōi curivurā máre. **7** Ñadamateicõjeimu mateáme Jāmenijicui

põevare copu ūi vainí tuiyeta. Aru jaboteicōjeima
 mateáme caiyajuboa põeyajuboacavre, aru
 caímaroacavre, caicamua yávaicamuacavre, aru
 caijaborõacavre máre. ⁸ Ñai ãimachre mearore
 jínajarama caiva ijãravucavu Jesúre ju abeva.
 Námu ne ãmiáre toivabemara mácava ãnitucubo
 paperatucuboi, caiva ina jãrava cûiméjãrava
 baquinóre cuvarãjivre ne ãmiáre toivaitucuboi.
 Ditucubo Cristo, ovejajica ne aima, ûi tucubobu.
 Ñai ovejaica ne boari jarvaima machyure
 Jämenijica majidejaquemava ûi chedaquiye
 jipocai ijãravre.

⁹ Caiva me jápiajarã. ¹⁰ Ina buoimara márajiva,
 jáve buoimara marajárama na. Aru ina
 boari jarvaimara márajiva, jáve boari
 jarvaimara marajárama na.

Que baru caiva Jämenijica põevare jáve ne napiye
 jauquiyebu caiye ne ñájiyede. Aru jáve ne ju
 aiye jauquiyebu náre dajocabevuva Jämenijica
 coyuye báquede ûi mearo dacaquiyede náre.

¹¹ No yóboi, jácaca apeca ãme ãimacha jijecchure
 mári dayure joborõre jocari. Pucarõa javaroa
 cuvateame yópe ovejai javaroape. Übenita yávame
 yópe ãijuaca yávaiyepe. ¹² Ñai ãimacha jia uradare
 jocari dayu bách cuvateame ure paruéde. Caiye
 ûi paruéde cuvateame ñai ãimacha joborõre jocari
 dayu bách. Ñai jia uradare dayu bách i jainoi ñai
 joborõre dayu bách jaboteame ure paruéque. Caiva
 ijãravucavu Jesúre ju abevure mearore jíde dáme
 ñai jia uradare dayu báchre, ñai churi meateino
 mácarõre cuvacure. ¹³ Aru ure põeva ne dari
 majibede máre dáme û. Toabore jõdaicōjeame

cavarõre jocarĩ pã joborõita caivu põeva ne jãinoi.
 14 Põeva ne ðarĩ majibede ðaicõjeimu mateáme
 ã ñai jia uradare dayu báchi jãinoi. Yópe ðarĩ
 jujovame caivu ijäravucavu Jesúre ju abevure.
 Ðaicõjeame náre, ne pêpeimure ne puerdarãjiyepo
 ayu ñai ãimacu apucare cãreja, buraimu mácareca
 boaicaroveque. 15 Ne pêpeimure ðariburu yóboi, ñai
 joborõre dayu bácu ûmene japuicõjeimu mateáme
 pêpeimure, yávayu ãi buojaquiyepo ayu aru boarĩ
 jaruvaicõjeñu ãi buojaquiyepo ayu caivu ina
 mearore jíyubevure ãre.

16 Toivaicõjeame caivu põevare ne puru
 meapûravurã o ne tãtãvarã. Quijinare aru
 buçavare máre, cûve cûvarivure aru cûve
 cûvabevure máre, yebacavure aru yebacavu
 ãmevure máre, caivure toivaicõjeame ã. 17 Ácu
 põecu cûvabecu baru no toivainore, bojedari
 ïñu aru jíni bojedayu máre buojabeteame. No
 toivaino mateávñ ñai jia uradare dayu báchi ãmiá
 o yo número ãi ãmiáque curõ. 18 Majié jañvu ãre
 coreóvaiyucure nore. Ñai coreóvayu corevajacuri
 ñai ãme ãimacu jijecuchu número. Yo númerobu
 põecu número. Yo númerobu seiscientos sesenta y
 seis.

14

*Juan ãi coyuino ina ciento cuarenta y cuatro mil
 paivu bajuyuriaivurã
 (Stg 1.18; Ap 7.3)*

¹ No yóboi, jãcacu cojedeca. Jãcacu Cristore,
 ovejajícu ne aimu, núcure Sión ãmicúricu cûracui.
 Aru ãque cûteima obedivu põeva, ciento cuarenta

y cuatro mil paivu baju. Nárecabu cávarivu ñi ãmiáre aru jípacñi ãmiáre máre toivaino mácarõre ne tätüvarña náre coapa. ² Que teni jápiacachu cüináro bujinore cavarñ mearo Jämenijicñi cürõre jocarñ. Jápurateavu yópe cüratäcuve ñratäcuve bujinope aru yópe ñpo tuino püeno baju bujinope. Yópe obedivu biabeiboare arpa ãmicüriboare ne upaiye bujiépe jápurateavu no bujino. ³ Ina ciento cuarenta y cuatro mil paivu baju püeva yüriaima yo yüriaino mamarore no jabocñi dobarñ mearo coricacarñ jipocai, ina yóvaichüvaivu apürivu aru ina veinticuatro paivu buñava ne jäinoi. Ina ciento cuarenta y cuatro mil paivu baju ijárvücavu Cristoi meadaimara mácavu quévüra yüriarñ ma-jiteima no yüriaino mamarore. Apecu cübebi yüriarñ buojayu nore. ⁴ Inarecabu ãmetebevu bácvu nomivaque. Nomivaque cübeteima na. Nárecabu nüivu ñai ovejajñcü yóboi ñri ñinoi. Nárecabu bojedaimara mácavu caivu ijárvücavu jäneboi, jínajimara márajivu Jämenijicñre aru ñai ovejajñcre máre yópe jäidüma mamarumu buñaidu püeno mearu jíyepu. ⁵ Nárecabu ye borocübevu aru ye ãmeno cübevu máre cainumu.

*Juan ñi coyñino yóbecurñ ángeleva ne coyñiyena
(Ap 10.6; 16.19; 18.2)*

⁶ No yóboi, jäcacu apecu ángele, vüyare pare ñmüi, cavarñ coricai aviá ñi cürñi järvü corica baj*i*. Coyñáme iye coyñiy*e* cüiméne cainumu caivu ijárvücavu ne jápiaiyede. Coyñáme cai-jaborñacavure, aru caiyajubo a püeyajuboacavure, caicamua yávaicamuacavure, aru caiñmaroacavure máre. ⁷ Yópe arñ, coyñáme yávaino bujinoque:

—Puedajarā Jāmenijicāre. Mearore jíjarā ūre ūi p̄eno majié boje. Eaivu iora p̄ovare ūi ñájiovaquiora ne āmeina teiye boje. Que baru mearore jíjarā ñai dayu bácre cavarōre, aru joborōre, jia uradare, aru oco p̄iapóinoare máre, arī coyuáme ñai ángele.

8 Apecu ángele dáme ūi yóboi, yópe arī coyuyu:

—Jave bíjaivu no ñamaro urarō Babilonia ãmicrō. No ñamarocavu ne pare āmeina daiye báque boje aru ne pare āmeina dare daiye báque boje caivu ijāravucavu Jesucristore ju abevure caijaborōai, bíjare daimaramu na, arī coyuáme ñai ángele.

9-10 Apecu ángele dáme ina p̄ucarā yóboi, yópe arī, yávaino bujinoque coyuáme:

—Pare ñájinajarama caivu ina mearore jívu ñai āme ãimacu jijecucu jia uradare dayu bácre aru ūi p̄epeimure máre, aru ina toivare daicōjeivu ne tētēvarā náre coapa aru ne pururā máre ūi ãmiáque o ūi númeroque máre. Ne que daiye boje, Jāmenijicu pare jorojñi jāñu náre, ñájine dacuyume náre pare yópe ūi aiye báquepedeca. Que teni ñochuyume náre azufre ãmicue tāu uruino jívi, ūi ángeleva meara baju aru Cristo, ovejajicu ne aimu, máre ne jāiyede.
11 Ibo toabo náre ñájiovaibore jocarī bico porí maivu cainumua. Que baru cūmiquyebu ne ñájiye. Quénora jabuóvabevuva ñájinajarama jāravure aru ñamine máre caivu ina mearore jívu ñai jia uradare dayu bácre aru ūi p̄epeimure máre, aru ina toivare daicōjeivu ne bajure ūi ãmiáque, arī coyuáme ñai ángele.

12 Que baru Jāmenijicai p̄oeva, ina ju aivure ūi daicōjeiyede aru ju aivu Jesúre máre dajocabevuva

ne ju aiyede áre cainama, nácapúravre jáve ne napiye jaquiyebu ure ne ñájiyede.

13 Dinumre jápiacacu cüináro yávainore cavaró mearo Jümenijichi curóre jocarí. Yópe arí, coyuávu yure:

—Yópe arí, toivajacu mu: “Caride aru cainama torojarájarama caivu yainájivu curivu Jesucristo que cüinávupe”, toivaicójeame yure.

Aru ñai Espíritu Santo ju arí coyuáme:

—Jávemu. Cüivá ne ñájiye. Quénora jabúóvarájarama. Dajocarájarama ne pare memecaiyede. Aru cavarájarama ne memecaino mácaró boje méne, arí coyuáme ñai Espíritu Santo.

Juan üi coyuino Jümenijichi daquinora ijárvucavre yópe póeva ne daiyepe ñajivu ne oteiye báquede

(Ap 19.15)

14 Dinumre jácacu cojedeca. Cáteavü cüinábo ocopenibo boribo. Aru diborá dobateame cüinácu. Maja, póevape árojacu bateáme ü. Cuvateame cüinátarabu jipobu adaitarabu úruque daitarabure üi jipobui. Aru dárháme cüináve táuve oteiyede buraive jevacurivede üi purui. 15 Dinumre apecu ángele etame Jümenijichi cáramine jocarí. Yópe arí, yávaino bujinoque coyuáme ñai dobacure ocopeniborá:

—Jave eaivu iye oteiye jéijárvu. Iye oteiye ijárvui buchuyebu. Que baru burarí íjacu mu iye oteiye buchuyede, arí coyuáme ñai ángele.

16 Üi que aiyeda, ñai dobacu bácu ocopeniborá burarí íame caiye iye oteiye buchuyede ijárvure jocarí.

17 No yóboi, apecu ángele etame Jāmenijicai cāramine jocarī no cavarō mearo ñi cárroi. E máre cāvateame cūináve tāuve jēiduare buraive jevacurivede ñi purhi. **18** Dinumure apecu ángele, ñai toare jāri coreyu, etame Jāmenijicure jícaiyede juavare jocarī. Yópe arī, yávaino bujinoque coyúame ñai ángele ive tāuve oteiyede buraive jevacurivede cāvacure:

—Iboá vino úyaiboa ijāravucaboa ñemiboabu caride. Que baru burarī ijacu mu iboá vino úyaiboa ñemiboare, arī coyúame ñai ángele.

19 Hi que aiyeda, ñai ángele ive tāuve oteiyede buraive jevacurivede cāvacu burarī īame caiboa iboáre némure vino úyaimure jocarī. Burarī īniburu yóboi, dāvame iboáre pipoino jívhī. Yópe darī Jāmenijica, pare jorojīni jāñu, ñajine dacuyume obedivu pōevare, ne ãmeina teiye boje. Que aiyarōtamu no. **20** Yópe vino úyaiboare pipoicorore yuaiyepo, nopedeca Jāmenijicai ñajine daimara ñajima īmaro jedevai. Aru ne jive etaiyede yuarī yabovaiyepo nūavu pu trescientos paikilometros joaita aru eavu caballovare cōjeimeita.

15

Juan ñi coyúino iye siete paiye ñájiovaiye yóboquede

1 Dinumure jācacu apeno jādovaino urarōre cavarōi. Cuecumacacu ji jāiyede nore. Cúteima siete paivu ángeleva cāvarivu náre coapa siete paiye ñájiovaiye yóboquede. Iye siete paiye ñájiovaiye vainíbu yóboi, Jāmenijicu ye ñajine dabecabe pōevare cojedeca. Iye siete paiye ñájiovaiye que

Jāmenijicʉ bʉojacʉyʉme ūi jādovaiyede ūi jorojīni jāiyede.

² Aru jācacʉ apedare yópe jia ʉrada jivarʉpe ʉbenita me jāri javaiyoiya bateávʉ. Aru toaque jīvainope ārojateavʉ diya jívhí. Diya ēcarʉi nūteima ina vainí tʉivʉ bácvʉ ūai āme āimacʉ jijecʉcʉ jia ʉradare dayʉ bácvre. Vainí tʉima ūre ne mearore jíbe báque boje ūre aru ūi pēpeimure máre. Vainí tʉima ūre ne toivaicōjeme máque boje ne bajurã yo número ūi āmiáque cʉrōre. Ina vainí tʉivʉ bácvʉ cʉvateima biabeiboare arpa āmicʉriboare, Jāmenijicai jíboare, ne pʉrʉi cʉvarivʉ náre coapa. ³ Yʉriaima na yo yʉriaíno Moisés bácvʉ Jāmenijicare memecayʉ bácvai yʉriaíno mácarōre aru Cristo, ovejaíci ne aimʉ, ūi yʉriaínore máre. Yópe arñi, yʉriaima na:

Mʉ, ūuje jabocʉ Jāmenijicʉ, parʉcʉ caivʉ pʉeno, caiye mi daiye ʉrebu aru cuavaiyebu máre. Mʉ jaboteyʉbu caivʉ pőevare, caijaborōacavʉre. Caiye mi daiye mému aru jāvemu máre. ⁴ Mʉ, ūuje jabocʉ, caivʉ pőeva pueðarājaramu ūija mure jāve. Caivʉ pőeva mearore jínajaramu ūija mure jāve. Mʉ cūinácrabu meacʉ. Caivʉ pőeva caijaborōacavʉ mure mearore jínadarājarama ne jāiye boje mi daiye méne, arñi yʉriaima na.

⁵ No yóboi, jācacʉ Jāmenijicai cʉramine, cavarō mearo ūi cʉrōi cʉriñamine voaiñamine. Diñamimu iveá cʉravea Jāmenijicai daicōjeiyeque epeiñami.

⁶ Dinʉmure ina siete paivʉ ángeleva cʉvarivʉ náre coapa iye siete paiye ūájiovaiyede etaima diñamine

jocarī. Doima ne cuitótecajea docucubecajea, cojidicajeare, boricajea lino āmicuricaajeare. Aru baoima jārióicāva úruque daicāvare ne ñareba cūináture baji. ⁷ Aru cūinácu ina yóvaicuvaivu apurivucacu jiame ina siete paivu ángelevare siete paidua jororua úruque daiduare náre coapa. Diduá jívai cúteavu iye Jāmenijicu ñájiovaquiyede pōevare, ñi jorojīni jākiye boje ne ãmeina teiyede. Ñai Jāmenijicu cubi cainumua. ⁸ Aru Jāmenijicu meacu ñi c̄e boje, aru ñi parué cuvae boje máre, bico porí muri buiávü diñami ñi c̄ramine. Que baru ñame baojabeteima ecoivu diñami Jāmenijicu c̄ramine pu ne baojaiyeta iye siete paiye ñájiovaiyede ina siete paivu ángeleva ne davarājiyede.

16

*Juan ñi coyuino iduá jororua ñájiovaiyede
(Mt 24.43-44; Lc 12.39-40; Ap 3.3; 6.14; 8.5;
11.13, 19; 14.10)*

¹ Diñamure jápiacacu apeno yávaino bujino etaiyede Jāmenijicu c̄ramine jocarī. Bujíequet yópe arī, coyuávü ina siete paivu ángelevare.

—Iduá siete paidua jororua m̄uje chvariduquede jayuárī jebenanuara m̄uja ijárvui. Jāmenijicu ñájine dacuyume ijárvucavu Jesucristore ju abevure iye siete paiye ñájiovaiyede ñi jorojīni jākiye boje ne ãmeina teiyede, arī coyuávü.

² Que arīburu yóboi, cūinácu ángele, nácacu mamarumucacu, jayuárī jebecunuame ñi jororui c̄e báquede joborōi. Si que daiyede, obedivu pōevare etavu churiá ãmechuria. Caivu ina toivaicōjeivu bácvure ne bajurā ñai ãme

ãimach jijechch jia hradare jocarh dayh báhch
toivaiyequede aru mearore jívh báhcavhre hi
pêpeimhre máre etavh náre churiá ãmechuria aru
ãmeina ijé máre.

³ Aru cûináh yóbocach ángele jayuárh jebeáme hi
jororhquede jia hradai. hi que daiyede, caiye oco
jia hradare jiveteavh yópe yaiyá báhch jivepe. Aru
caivh ina aphrivh chrivh jia hradai yaima na.

⁴ Aru phcarh yóbocach ángele jayuárh jebeáme hi
jororhquede caiye jiare aru cainoa oco phapóinoare
máre. hi que daiyede caiye iye oco máre jiveteavh.

⁵ Dinhmhre jápiacach apech ángelede, hai ocore jári
coreyhre, yópe arh coyuhre:

—Mu, Jämenijich meach baju, chch caride aru
chch báhch javede, mi yópe hájine daiye báque
phevare métamu caride. ⁶ Ne boarh jarhvaiye
báque boje mi pheva máhcavhre aru mi yávaiyede
coyuhcaipheva máhcavhre máre, ne jivede mene
daiye báque boje ne hájiye métamu. Que baru
caride mhrecabu bojedayh náre, ne nópe daiye
báque boje. Mhrecabu hucure dayh náre jivede yópe
náre jauepe, arh coyuhame hai ángele.

⁷ Dinhmhre jápiacach cojedeca apeno yávaino
jápuraede Jämenijichre jícayede juaivare jocarh.
Yópe arh, coyuhavh:

—Mu, huje jaboch Jämenijich, parhch caivh
phueno, mi hájine daiye phevare mému aru jãvemu
máre, arh coyuhavh.

⁸ Aru yóbechrh yóbocach ángele jayuárh jebeáme
hi jororhquede aviáhra. hi que daiyede, hai
aviá bórh, éni, juaichjeimu mateáme phevare
yópe toa éiyepe. ⁹ hi hrarh éiye boje, caivh

põeva ijāravucavu Jesucristore ja abevu juaimara mateima na. Ubenita juaimara mácavuvacari, chñomevu ne ãmeina teiyede oatuvabeteima na ne daiyede. Aru ye mearore jibeteima na Jãmenijicure máre. Quénora pñeno baju ãmeina yávare nñima Jãmenijicure, ñai paruëde cùvacu dayure iye ñájovaiyede.

10 Aru yóvaicuvaivui yóbocacu ángele jayuárí jebeáme ñi jororquede ñai ãme ãimacu jijecacu jia uradare jocarí dayu báci jabocu dobarõ mearora. Ùi que daiyede ñemíe tuavã caino ñai ãimacu ñi jaboteinore. Aru caivu ñi jaboteimara cùivu bateima ne baju ne jemedoare, pare ne ñájiye boje. **11** Ubenita ñájivuvacari aru ãmechuriare cavarivuvacari, dajocabeteima ne ãmeina daiyede. Quénora ne ñájiye boje aru ne churiáre cùvae boje máre pñeno baju ãmeina yávare nñima Jãmenijicure, cavarõ mearocacure.

12 Aru cùinápurupe paivui yóbocacu ángele jayuárí jebeáme ñi jororquede iya Éufrates ãmicuriya jia uradarã. Ùi que daiyede, diya jia popoávü, ina aviá dainocavu jabova ne jataräjiyepo aino diyare. **13** Dinumare jácacu yóbecurã abujuvare yópe momavape ãrojarivure. Cùinácu abujucu etame ñai ãme ãimacu jijecamure jocarí. Apecu etame ñai ãme ãimacu jijecacu jia uradare jocarí dayu bácu ñi jijecamure jocarí. Aru apecu etame ñai Jãmenijicai yávaiyede coyucapõecupe teyu, borocuëde coyuyu, ñi jijecamure jocarí. **14** Ina abujuva põeva ne darí majibede daiye majiteima na. Etaivu bateima cójijovarãñurajivu caivu ijäravucavu jabovare,

ne ādamatenajiyepē aivu Jāmenijicāque, ñai parucare caivu pñeno, ãnjāravu, ùi pñevare pñeno baju ñájiovare buojaquijāravu baquinóre, ne ãmeina teiye báque boje. ¹⁵ Yópe arí, coyuáme Jesucristo:

—Muje yebai dacuyumu muje majibedeca yópe ñavaipõescu daiyepē cārami upacu majibedeca. Torojuçuyume ñai apucu jāri coreyu yure. Aru yópe pñecu meadaiyepē ùi cuitótecajede cuyoje tebecuyu ùi cuitótecaje cübe boje, nopedeca torojuçuyume ñai meadayu ùi daiyede cuyoje tebecuyu ji daiyede, áme Jesucristo.

¹⁶ Ina jabova, abujuva ne cójjovaimara, cójjima na apeno cárroi, hebreovai yávaicamuaque Armagedón ãmicárroi.

¹⁷ Aru apecu ángele, ina siete paivu piniducacu, jayuárí jebeáme ùi jororáquede ûmevrã. Ùi que daiyede etavu apeno yávaino bujinoque no jabocu dobarõ mearo coricacarõ yebai Jāmenijicu cäramine jocarí. Yópe arí, coyuávú:

—Quénoram, arí coyuávú.

¹⁸ Dinámumia yaroino cojiteavu, yávaino bujinoque jápurateavu, õpo tñavu, aru urarõ joborõ cûjiavu máre. No joborõ cûjino ãmeno mateáv u cainoa apenoa joborõ cûjino pñeno, Jāmenijicu pñevare cuedainum mácarõmiata. ¹⁹ Que teni no uraímaro mácarõre bururí, bururí yóbecrõcarõape mauteavu no mácarõ. Caiye ïmaroa ijárvuque bijainoa mateáv. Aru Jāmenijicu ãrutequemavu no ïmaro urarõ Babilonia ãmicárõre. Que baru bojedame nócavure ne ãmeina daiye boje. Pare jorojíñu, ñájine dâme náre pare. ²⁰ Caiye jiavu aru caicuá cäracuá máre bíjavu. ²¹ Aru cavaroõre jocarí

t̄aavã ocaino jãjaro ̄rarõ baju yópe cãraboape. Diboá coapa cuarenta paikilos dãcuriboa bateávã. Tuavã põevara, ijãravucavã Jesucristore ju abevãre. Ùbenita nácapûravã, ñajivãvacari diboá tuiye boje, pueno ãmeina yávare nûima na Jãmenijicãre, iye ñájiovaiye pare ñájine daiye boje náre.

17

*Juan ãi coyãino ico nomiõ ãmeco baju õi ñájiyena
(Ap 3.5; 11.7; 13.1, 8; 19.16)*

¹ No yóboi, cûinácu ina siete paivã ángeleva iduá siete paidua jororãare cãvarivã bâcavucacu coyucudame yure. Yópe arñ, coyuáme:

—Dajacu. Jãdovacuyubu mure aipe ñájicodore ico nomiõ õi bajure bojedado ûmuvare ̄rarõ ãmenore dacodo náque. Õrecabe dobaco obediya jia puenora. ² Caivã ina jabova ijãravucavã õi daiyepedeca daiyurivã bateima, yópe ne ãmeina dájuroepe õque. Jãmenijicu jiede ubeteima. Yópe õi pacotede dájuroepe ijãravucavã Jesucristore ju abevãre aru yópe õi ãmeina dare dájuroepe náre máre, nopedeca náre pare baju ãmeina daiyure dáco õ. Que baru náre ãmeina dare dáco õ, áme ñai ángele.

³ Dinumure ñai Espíritu Santo jãicõjeame yure. Que teiyede ñai ángele nûvame yure põecubenoí. Noi jãcacu cûináco nomiõre. Õ tubaco bateáco ãme ãimacu jijecucu jÿacurã. Uí baju caibaju toivaino mateávã ãmiá ãmeina yávaiãmiaque Jãmenijicãre copu. Siete paibua jipobua cátame caipucapurãape pajavaroaque. ⁴ Ico nomiõ doaco bateáco õi cuitótecaje jÿaricaje aru ñemijuaricajede.

Õi bajure meatedo báco bateáco úruque, aru quíjiboa cārajiboa cojidijiboa bojecarijiboaque aru perla ãmicarijiboaque máre. Cuvateaco õi pãrui cūináru jororu úruque daidare. Didu jívure buiávã caiye ãmeina daiye, aru caiye õi bajuque pueno ãmene daiye báque máre. ⁵ Ói tãtavarã toivaino cûteavã cûináro ãmiá: “No urrearõ ïmaro ãmiá Babilonia aino, yópe aiyurõ mateávã no. Caivã ina ne bajure bojedaivã ãmeina ðarajivã apevãque nêpacope pádobe. Caivã ijäravãcavã Jesucristore jã abevãre cainoa joborðai urrearõ ãmeina dare dadobe”, ainore toivaino mateávã õi tãtavarã.

⁶ Dinumare coreóvacacã ico nomiô boarí jarãvado bácore obedivã ina Jämenijicãi põevacavare. Yópe õi torojuroepe pacoco baru, nopedeca torojuteaco õ õi mene daiyede ne jivede õi boarí jarãvaiyede náre. Náre boarí jarãvaco, ne coyuïye báque boje Jämenijicãi yávaiyede dajocabevãva ne “Jävemu” aiyede Jesucristoi yávaiye méne. Que baru pare cuecumacacã yã.

⁷ Dinumare ñai ángele, yópe arí, jeníari jâme yure:
—¿Aipe teni cuecumañurã mã? Coyuquijivã mure aipe aiyede mi jâiyede. Coyuquijivã ne borore, ico nomiôre aru ñai ãimacã õi tubamã cuvacure siete paibãa jipobãare caipucapurãape paijavaroaque. ⁸ Ñai ãme ãimacã jijecacã mi jâimã mácu cûteame javede. Aru cãbebi caride. Ùbenita muri dacuyame icobe ãmujuricobede jocarí ãi bíjacuñuquiye jipocai. Aru caivã ijäravãcavã Jesucristore jã abevã pare cuecumarajarama, ne jâiyede boje ñai ãimacã cùcu bácre javede, cùbecure caride, ùbenita dacuyare cojedeca. Ina cue-

cumarajivarecabu ne ãmiáre toivabemara mácavu
 ãnitucubo Jãmenijicui paperatucuboi, caivu ina
 jãravu cûiméjãravu baquinóre cavarãjivu ne ãmiáre
 toivaitucuboi. Ditucubo toivaino marejaquémavu
 Jãmenijicui cuedaquiye jipocai ijãravure.

9 'Majíe jaúvu áre coreóvaiyucare nore. Jëvari
 coyurí ibuá siete paibua jipobua, diedecabu siete
 paicúa cäracúa ico nomió ãmeco õi dobae. Aru
 jëvari coyurí ibuá siete paibua jipobua diedecabu,
 siete paivu jabova. **10** Cûinápurupe paivu nácavu
 yaiquémauvu javede. Cûinácu nácacu jaboteyube
 caride. Aru apecu dabeçube cäreja. Übenita ãi
 jabotecudaquiyede obebejãravua jabotecuyume ã.
11 Ñai ãme ãimacu jijecucu cucus bácu javede aru
 cùbecu caride, ã macuyume apecu jabocu, ina si-
 ete paivu ne yóbocacu. Übenita cûinácu ina siete
 paivucacucuvararibe máre. Ürecabe bíjacuyu baju
 bíjaiye baji.

12 'Caipucapuruape païjavaroa mi jãiye báque,
 jëvari coyurí diedecabu caipucapuruape paivu
 jabova bárãjivu, jaboteni bábevu cäreja. Übenita
 cûináora baju jaboteicõjeimara marajárama ñai ãme
 ãimacu jijecucuque. **13** Caivu ina caipucapuruape
 paivu jabova ne ûme cûinátorubu. Que baru
 cûinárotamu ne ðaiyurõ. Cadatenajarama
 ñai ãme ãimacu jijecucare ne parueque aru ne
 cõjeiyeque máre. **14** Ædamatenajarama na Cristore,
 ovejajícu ne aimare copu. Übenita ũcapuravu
 jaboteyube caivu apevu jabovare aru cõjeñume
 caivu apevu cõjeivure. Que baru vainí tucuyume
 ina áre maucuvarivure. Üi ãdamatecudaiyede
 yóvarãjarama ina Jãmenijicui beorí cutuimara

mácavu dajocabevu cainamua ne ju aiyede ūre, áme yure ñai ángele.

15 Aru ñai ángele, yópe arí, coyure nuame yure:

—Jëvari coyurí iya obediya jia ico nomió ãmeco õi dobae, diedecabu ïmaroacavu, aru pöeyajuboacavu, obedivu yávaicamuacavu, aru jaborðacavu máre. **16** Ñai áme ãimacu jijecucu aru ina caipucapurape paivu jabova, jëvari coyurí yópe ūi javaroape, mi jaimara mácavu jaiybena jarama ico nomió ãmecore. Caiye õi c̄vaede ïnajarama õre jocarí, dajocarajivu õre cuitótecaje c̄becore. Arajarama õi bajure. Aru bíjare ðarajarama õre toaboi. **17** Jümenijicu vacari dáapiaicõjecuyume ina caipucapurape paivu jabovare. Que baru cūináthru baquiyébu ne ûme. Cadatenajarama ñai áme ãimacu jijecucure, ðarajivu yópe Jümenijicui ñrõpe p̄u ne daiyede b̄ojaiyeta caiye iye ūi daiyue báquede yópe ūi aiye báquepedeca. **18** Aru jëvari coyurí ico nomió ãmeco mi jaimo máco, õrecabe yópe no ïmaro ñaicõjeiñmarope caivu ina ijärvucavu jabovare, áme yure ñai ángele.

18

*Juan ūi coyuno Babilonia ãmicuriñmaro bíjainora
(Mt 22.2-3; Ef 5.23-32; Ap 7.14; 14.8)*

1 No yóboi, jäcacu apecu ángele ēmeñure cavarõ mearo Jümenijicui c̄rõre jocarí. Paruéque cõjeáme. Aru ūi mearoque miadáre dáme cainore. **2** Buijéque yópe arí, codoboboame ū:

—Jave bíjaivu no ïmaro ñrarõ Babilonia ãmicurõ. Diñmaro mácarõ abujuva ne c̄rõ teivu. Obediya-juboa ãimara vñivu pöeva ne ubemara máre ne c̄rõ

teivu no ñamaro mácarõ. ³ No ñamaro mácarõcavu unctionarõ ãmeina dare daima caivu ijãravucavu Jesucristore ju abevure cainoa joborõai. Aru caivu ina jabova ijãravucavu ãmeina daima diñamaro mácarõcavuque. Aru caivu ijãravucavu bojedaipõeva cuve cavarivu bateima diñamarocavu ne unctionarõ ãmeina daiye boje. Que baru bíjaivu no ñamaro mácarõ, áme ñai ángele.

⁴ Aru jápiacachu apeno yávainore cavarõ mearo Jãmenijicai curõre jocarõ. Yópe arõ, coyuávu:

—Muja, ji põeva, etajarã diñamarore jocarõ, muja ãmene dabenañivu nócavuque, muje ñájimenajiyepo aivu náque. ⁵ Diñamarocavu ãmene dare nuivu bateima, yópe cainiyutubope teni ne ãmeno que pu cavarõ mearo Jãmenijicai curõita. unctionarõ baju ãmene daima na. Que baru Jãmenijicai ãrumi caiye iye ne ãmeina daiyede. ⁶ Nócavure dajarã yópe ne daiyepo apevure. Yópe ne apevure ñájine daiyepo, ñájine dajarã náre puquedeca. Aru yópe ne apevure ãmeno daiyepo, ãmeno dajarã náre puque. ⁷ Yópe unctionarõ mearore aru ure cuve bojecuede máre ne ïye báquepe ne baju, nopedeca ñicavajarã náre ñájiyede ure aru chïoiyede máre ure cùináturura. Yópe arõ dápiarõduyama na ne ûmei: “Yui jabenajivu dobarivubu ñuja. Apejue ye jaúbevu ñujare. Cõmaje ãrojarivu ãmenajaramu ñuja cainumua. Aru chïomenajaramu, ñájimenajaramu máre cainumua”, arõ dápiarõduyama nócavu, “¿Meara márica apevu pueno?” aivu. ⁸ Que baru cùinájãravu baquinómiareca unctionarõ ãmeno daquiyebu diñamarocavure. Maumejiena nócavu chïori, ãvué ñájini, yainájarama na. Aru ne ñamarore juarõ bíjaino maquiyébu. Yópe vaiquiyébu, maje jabocai Jãmenijicai paracu baju “Ñájijara” ùi aiye

boje.

Nópe jápiacacʉ apeno yávainore cavarō mearo Jāmenijicai cūrōre jocarī.

9 Caivʉ ina jabova ijāravʉcavʉ ãmeina daivʉ bácvʉ díimaro mácarōcavʉque bujiéque codoboborī, ñarebare totarī orājarama na, ne jāiyede toabico porī māinore no ïmaro mácarōre éiyede. **10** Jidʉrivʉ ne ñájiyʉbe boje díimarocavʉ bácvʉpe, joai mautenajarama. Aru yópe arī, orājarama na:

—¡Ayu, ayu, mʉjare pare meamevʉ Babilonia ãmicʉrīlmarocavure! Pare ch̄loivʉbu mʉja. Maumejiena no ïmaro ʉrarō, parʉé cʉrō mácarō bíjaivʉ, orī codoboborājarama.

11 Caivʉ ijāravʉcavʉ bojedāipōeva máre bujiéque codoboborī, ñarebare totarī orājarama díimarocavʉ bácvure boje. Que baru ñame cʉbenama caride ne cʉvede bojedarī ïvu. **12** Põecʉ cʉbecʉbe bojedarī ïñʉ náre ne úrure, ne platare, ne cārajiboa bojecʉrijlboare, ne perla ãmicʉrijlboa bojecʉrijlboare máre, ne cuitótecajea meacajea lino aru seda ãmicʉricajeare, aru ne cuitótecajea bojecʉricajea jūaricajeare aru ñemijuaricajeare máre. Põecʉ cʉbecʉbe bojedarī ïñʉ náre caiye jocʉcua me mumijʉricʉare, ne cʉve bojecʉricʉvede ãimacui javaro marfil ãmicʉrijavaroque daiyede, aru jocʉcua bojecʉricʉaque daiyede, bronce ãmicʉe tāuque daiyede, hierro ãmicʉe tāuque daiyede, aru cārabo boribo mármol ãmicʉriboque daiyede máre. **13** Põecʉ cʉbecʉbe bojedarī ïñʉ náre ne canela ãmicʉe mumijʉede aru ape mumijʉede máre, ne juarājinore mumijʉrōre daquiyepē aivʉ,

aru ape mumij^he de mirra ãmic^he aru olíbano ãmic^he de máre. Põec^h c^habec^hbe bojedarí ñ^hu náre ne vino áyaicorore, ne neo carorâjiyepe aiv^h neore, ne p^hture daiyede harina ãmic^he, aru ne trigo ãmic^he oteiyede máre. Põec^h c^habec^hbe bojedarí ñ^hu náre ne oteiâimarare duc^hde ûmaiv^hre, ne ovejavare, ne caballovare, ne j^haturuic^hure, aru ne yebacav^hre máre, ina d^hapiaiv^hre. ¹⁴ Ina bojedaiv^h bácv^h, yópe arí, coyurâjarama diñmaro mácarõcav^hre:

—¡Ayu, ayu, jave c^hivá m^hjare id^há jocu^h jéid^hua mear^ha pare cojuteav^h m^hjare! Jave bíjaiv^h m^hjare jocarí caiye m^hje c^huve bojec^he de aru m^hje t^haut^hrarare máre. Que baru diede ye c^hababenajaramu m^hja bedióva cojedeca, arí coyurâjarama na, ch^hioiv^h.

¹⁵⁻¹⁶ Ina caiye iyede bojedaiv^h bácv^h c^huve c^hvateima ne bojedaiye báque boje diñmaro mácarõcav^h bácv^hque. Ina bojedaiv^h bácv^h joai mautenajarama, ne j^haiy^hbe boje diñmaro mácarõcav^h ne ñájiyede. Aru b^hjiéque codoboborí, ñarebare totarí orâjarama, yópe arí:

—¡Ayu, ayu, pare meamev^h no ñ^hmaro ^hrarõ mácarõ! Nomió c^huve c^hvacope paino mateáv^h no ñ^hmaro mácarõ. Diñmarocav^h bácv^h cuitótecajea meacajea lino ãmic^hurica jeare, j^huarica jeare aru ñemijuarica jeare máre doiv^h bateima na. Aru úrure, aru perla ãmic^hurij^hboa bojec^hurij^hboare, aru apej^hboa c^hrajiboa cojidij^hboa bojec^hurij^hboare máre adaiv^h bateima na. ¹⁷ Maumejiena caiye iye ure c^huve báque me c^hivá, arâjarama ina bojedaiv^h bácv^h, ch^hioiv^h.

Caiyü ina jiadocüa ʉracüare japʉvaipõeva aru caivü ina curānʉivü jiadocüa ʉracüaque, caivü ina jiadocüa ʉracüa memeipõeva aru caivü jia ʉradai memeipõeva máre joai mautenajarama na. ¹⁸ Ne jãiyede toabico porĩ märi no ïmaro mácarõ ēiyede, yópe arĩ, codoboborãjarama:

—Apeno ïmaro ʉrarõ, ãri nópe paino cʉbeteavã cainʉmʉare, arãjarama na.

¹⁹ Que arĩ, dʉvarãjarama jobore ne baju jipoburã ne chñoiye boje. Bʉjiéque codoboborĩ, ñarebare totarĩ orãjarama na, yópe arĩ:

—¡Ayu, ayu, pare meamevü no ïmaro ʉrarõ mácarõ! Caivü ina cʉvarivü bácvü jiadocüa ʉracüare jia ʉradai cʉve cʉvarivü bateima díimarcavü bácvü ne bojedaiye báque boje na mácvure ʉre cʉvede. Maumejiena caiye iye me bíjarĩ cüivü. ²⁰ Muja, cavarõ mearo Jãmenijicui cárõcavü, torojújarã muja no ïmaro mácarõcavü bácvü ne ñájiye boje. Muja, Jãmenijicui põeva, Jesucristoi yávaiye méne beorĩ coyʉicõjeimara aru Jãmenijicui yávaiyede coyʉcaipõeva máre torojújarã muja Jãmenijicui ñájine daiye boje nócavü bácvure. Uí ñájine daiyede, bojedaibi na mácvure yópe ne ãmeno daiye báquepedeca mujare, arãjarama na.

²¹ Dinʉmure cūináçü ángele parʉcü cūinábo cárabo ʉrabore, oteiyabeare cãoibope paibore, ïni dʉvarĩ jarʉvame jia ʉradai. Yópe arĩ, coyʉáme:

—Yópe bíjaino maquiyébu no ïmaro ʉrarõ Babilonia ãmicärõ. Bʉojarĩ jãmenamu cojedeca cainʉmʉa. ²² Ye jápurabequiyebu cojedeca no ïmaro mácarõre ne yuriaiye báque arpaque,

flautaque, aru trompetaque máre. Ye c̄abenama cojedeca memeip̄õeva no ïmaro mácarõre. Ye jápurabequiyebu cojedeca no ïmaro mácarõre ne cãoiye oteiyabearé cãoiboque, ne pãure ðarãjivu.

²³ Ye pêoibu cojibequiyebu cojedeca no ïmaro mácarõre. Que baru ñemiquiyebu nore. Ye parubuobenama cojedeca no ïmaro mácarõre. Que baru jápurabequiyebu cojedeca nore ne torojave teiye báque põeva ne parubuoiyede. Nôpe vaiquiyebu diimaro mácarõcavure ne bojedaip̄õeva parurivu bácvu caivu apevü ijãravucavu bojedaip̄õeva pueno. Nôpe vaiquiyebu diimarocavure jujovaivu bácvure caivu ijãravucavu Jesucristore ju abevure ne yavié daiye báqueque, áme ñai ángele.

²⁴ Ina Babilonia ãmicuriimaro mácarõcavu bácvu ñájima ne boarí jarvaiye báque boje caivu ina Jämenijicai yávaiyede coycaip̄õeva mácvure, ina Jämenijicai põeva mácvure, aru caivu ijãravucavu boarí jarvaimara mácvure máre.

19

¹ No yóboi, jápiacacu yu bñjino ñrarõre yópe cùináyajubo obedivu põeva ne yávaiye bñjiépe. Cavarõ mearo Jämenijicai curõre jocarí jápiacacu náre, yópe arí codoboboyede:

¡Aleluya! Mearore jínajarevu Jämenijicure. Êvacari jâve meadaibi põevare. Aru jâve meacu bajube. Pueno parucube máre. Jâve majepacu Jämenijicube û. ² Caiye ûi daiye métamu. Aru caiye ûi coyhiye jãvetamu máre. Ñájine daibi ico nomiõ õi baju bojedado bácore ûmuvare ñrarõ ãmenore

dacodo náque. Õ ãmeina dare nñõ mateáco caivu ijãravucavuque, cainoa joborõai Jesucristore jü abevure õi urarõ ãmeina daiyeque. Jämenijicu ñajine ðaibi bojedayu õre, õi boarõ jarvaiye báque boje ûre memecaivure. Que baru mearore jínajarevu Jämenijicure, aimana.

3 Bedióva cojedeca codoboborõ aimana:

—¡Aleluya! Mearore jínajarevu Jämenijicure. No ñímaro urarõ ñeni dajocabevu cainumua. Que baru toabico porõ muivu nore jocarõ cainumua, aimana, mearore jívü Jämenijicure.

4 Ina veinticuatro paivu bucava aru ina yóvaicuvaivu apurivu mori tuima joborõita mearore jínajivu Jämenijicure, ñai dobacure jabochi dobarõ mearo coricacarõra, yópe arĩ:

—Quédecabu. ¡Aleluya! Mearore jínajarevu Jämenijicure. Jämenijicurecabe maje mearore jímu, aimana.

5 Dinumvre jápurateavu apeno yávaino no dobarõ mearo coricacarõ yebare jocarõ. Yópe arĩ, coyuváv: Mearore jíjarã majepacu Jämenijicure. Caivu ûre memecaivu aru caivu apevhu põeva máre, ina quijina aru bucava máre, caivu ûre puedauhu, mearore jíjarari ûre, arĩ coyuváv.

*Juan ñi coyuno ne torojuve teinora Cristo, ove-
jañicu ne aimu, ñi purubuoiyede*

6 No yóboi, jápiacachu yu bujino urarõre yópe cùináyajubo obedivu põeva ne yávaiyepo yópe cäratâcuve uratâcuve bujinope aru yópe õpo tuino pueno baju bujinope. Jápiacachu náre, yópe arĩ codoboboivure:

¡Aleluya! Mearore jínajarevu Júmenijicre. Maje jabocu Júmenijicu parucu caivu pueno jabotení báyube caride. Que baru mearore jínajarevu áre. ⁷⁻⁸ Eaivu caride Cristo, ovejajícu ne aimu, üi purubuoijárava. Jímarepaco bacodó meadaibico õi baju. Maje jabocu doicõjeimi õre meacaje lino ãmicuricaje docucubeni cojidicajede. Aru jévari coyuru dicajadecabu yópe Júmenijicu põeva ne daiye mépe. Que baru torojurájarevu maja. Torojurivu maje ümei mearore jínajarevu maja Júmenijicre, aimana.

⁹ Dinumure ñai ángele, yópe aru, toivaicõjeame yure:

—Toivajacu mu iyede: “Torojurájarama caivu ina cutuimara mácavu ne árajiyepe ayu ñai ovejajícu purubuoiyede torojuve teinoi”, áme ñai ángele.

Aru yópe aru, cuturujaroáme:

—Iye ji coyuyiye mure caride Júmenijicui yávaiye jãvetamu, áme üi.

¹⁰ Ji jápiaiyede üi nópe aiyede, ñuatutacacu yu üi caboba yebai, mearore jíyuruduyu áre. Übenita yópe aru, mearore jícõjemeteame üi yure:

—Que daibejacu mu. Yu máre memecayubu Júmenijicre mupedeca aru mívupe páyu máre, ina coyuivu Jesús üi yávaiyede jãvene dajocabevuva pu apevu náre boaru jaruvaiyeta. Que baru mearore jíjacu mu maje jabocu Júmenijicre cuináchrata, áme yure.

Ñai Espíritu Santo majide daibi caivu ina Júmenijicui yávaiyede coyucaipuoievare, ne coyuruajiyepe ayu Jesús üi yávaiyede jãvene.

*Juan ūi coyuino ñai caballo bocurā tubacurā
(Jn 1.1, 14; Ap 13.1-18; 14.20; 17.14)*

11 Dinumure jācacu yu cavarō mearo Jāmenijicui curō voainore. Aru nore jároteame cūinácu caballo bocu. Ñai tubacu ūra bojedaibi pōevare méque. Aru ādamateibi méque ūi mauvare máre. Que baru ūtame jāve yávayu aru méne dayu máre cainamua. **12** Uí yacorua cojiteavu yópe toa uruiyepo. Cuvateame obeditarabua jipobu adaitarabua ūi jipoburā, ūi jaboteiye boje obediyajuboacavure. Aru cūináro āmiá toivaino mácarōre cuvateame. Ubenita ū cūinácuva majibi nore. **13** Doame ūi cuitótecaje puenocacajede jiveque ēnuicaje bácarōre. Urecabe “Jāmenijicui dápiaínore coyuchuedachuyu” ne aimu. **14** Uí yóboi daima ina cavarō mearo Jāmenijicui curōcavu ādamateipōeva tubarivu caballova borivurā na coapa. Aru doaima meacajea lino āmicuricajea cuitótecajeare. **15** Ñai ne jabocure etavu ūi jijecamure jocarī cūináve boaicarove upujidivepe. Di veque boarī vainí tucuyume caivu ijāravucavu Jesucristore ju abevure. Urecabe jabotecuyu náre parueque. Aru ūvareca ñajine dacuyume náre yópe pōeva ne vino ūyaiboare piporī córore yuaiyepo Jāmenijicai jorojīni jāyiye boje náre, ne āmeina teiye boje. **16** Ñai ne jabocu ūi cuitótecajena aru ūi tōarurā máre yópe arī toivaino mateávū: “Jaboteyube caivu apevu jabovare aru cōjeñume caivu apevu cōjeipōevare máre”, arī toivaino cūteavu.

17 Aru jācacu cūinácu ángele núchre aviárā. Yópe arī, codoboboame parueque caivu ina cavavape paivure, ina vñivu cavarō coricai, aviá ūi chroi

jāravu corica baji:

—Áradajarā. Cójijijarā ãmuri yo javateino
utarō Jūmenijichí meadacaquinore mujare.
18 Ina jabovare, aru churaravai jabovare,
ñmuva parurivure, caballovare, aru caballovarā
tubarivure, yebacavure, yebacavu ãmevure,
quijinare, aru bucuvare máre, caivu ne jiaruare
áradajarā, áme ñai ángele.

19 Aru jācacu ñai ãme ãimacu jijecucure aru
caivu ina jabovare ijāravucavu boapõevaque
cójijivure ne boaridurājiyepo aivu ñai caballo
bocurā tubacure aru ina ñuque curivure máre.
20 Ùbenita ñai ãme ãimacu jijecucu ne juimu mateáme.
Aru ñai Jūmenijichí yávaiyede coyuucaipõeupe
teyu, borocuede coyuuyu, máre ne juimu mateáme.
Ùrecabe põeva ne ðarī majibede ðayu báu
jipocamia ñai ãme ãimacu jijecucu jāinoi. Iye
põeva ne ðarī majibede ùi ðaiyeque juiovame
obedivu põevare jipocamia. Ina cuvarivu báucavure
ñai ãme ãimacu jijecucu toivaino mácarõre aru ina
mearore jívu báucavure ñai ãme ãimacu jijecucu
pẽpeimure máre juiovame ù. Ina pucarãre juni,
jaruvaimara mateima apurivura cureja toabo
azufreque cûiméboi. Noi ñai ãme ãimacu jijecucu
aru ñai Jūmenijichí yávaiyede coyuucaipõeupe
teyu, borocuede coyuuyu,  najarama cainumuha.
21 Aru caivu apevu náque ñuivurecabu ùi boarí
jaruvaimara máucavu ñai caballo bocurā tubacu ive
boaicaroveque cuvacu ùi jijecamui. Aru caivu ina
cavavape paivu javateni yapima na máucavu ne
jiaruha báquede.

20

*Juan ūi coyhino mil paishua baju Cristo ūi
jaboteiyena*

*(Mt 19.28; Lc 22.30; Ap 1.6; 5.10; 6.9; 13.16-17;
14.9)*

¹ Jācach cūinácu ángele ēmeñhre cavarō mearo Jāmenijicai curōre jocarī. Cuvateame ūi purui no llavede, ūi voaqinore aru biequinore máre no ūmujuricobe ecoinore. Aru cūináme tāume ducrimene máre cuvateame ū. ² Jēame ñai ãijuach cūcare mamarumare pu caride máre. Ñai ãijuach abujuvai jaboch. Diablo ãmicabi ū. Aru Satanás máre ãmicabi ū. Ñai ãijuach re jēni buoáme ūre mil paishua baju. ³ Úre buoriburu yóbore, ñai ángele jaravame ūre no ūmujuricobe jívai. Úre jaravariburu yóbore nore, dicobe ecoinore bieáme llaveque. Jājaro dáme dicobe ecoinore ñai ángele. Nópe dáme ñai abujuvai jabochre, ūi jujovabequiyepa ayu ijāravacavare bedióva cojedeca pu mil paishua vainiburu yóboita. Dinumh maquinóre jodeimh macuyáme obebejāravha ba-jura.

⁴ Aru jācach jabovai dobarõa mearoare. Ina dobarivh iye dobarõara maje jabochi ñajine daicōjeimara mateima pōevare, ne ãmeina teiye boje. Aru ina yaivh bácah ne coyhiye báque boje Jesús ūi yávaiye méne aru Jāmenijichi yávaiyede máre dajocabevhva ne ūmene jācach yh. Na mácavurecabu mearore jíbevu bácah ñai ãme ãimach jijechcure, aru ūi pēpeimare máre. Aru ūi toivaino mácarõre máre cuvabeteima na mácah ne tātuhvarā aru ne purhárā máre. Nacajari

yainore jaravarī, aparivu teni jaboteima na Cristoque mil paíjua bajureca. ⁵ Nómu põeva ne mamarumu nacajaiye yainore jaravarī. Ùbenita apevu ina yaivu bácvu nacajameteima cäreja pu diujsa mil paíjua vainíburu yóboita. ⁶ Torojäräjarama ina Jämenijicui nacovaimara yo mamarumu nacovaino yainore jaravarī. Námu Jämenijicui põeva. Sacerdoteva baräjárama na, memecaräjivu áre aru Cristore máre. Jabotenajarama na Cristoque mil paíjusareca. Que baru nümenajarama na toabo cüiméboi.

*Juan ái coyhino Cristo ái vainí tuiyena abujuvai
jabocu*

⁷ Que baru mil paíjua vainíburu yóboi, ñai Satanás jodeimu macuyume. ⁸ Etacuyume dicobe ûmujuricobede jocarī, jujovacanuacuyu põevare, cainoa joborðacavure. Jujovacanuacuyume ina Gog ámicurðcavure aru ina Magog ámicurðcavure máre. Ina põeva obedivu baräjárama yópe ēpayabea cœpe jia urada ēcarurā. Náre cójijovacuyume Satanás, ne ádamatenajiyepe ayu. ⁹ Ina põeva obedivu cainoa joborðare jocarī darī, cójijini, nuri jacoturäjarama Jämenijicui põevare, ina boacáivu, aru Jämenijicui ïmarore, ái jecurðre. Ùbenita toa ocainope tarī cavarð mearo Jämenijicui curðre jocarī éni bíjaroquiyebu náre. ¹⁰ Aru ñai abujuvai jabocu, náre jujovayu bácu, jaruvaimu macuyu toabo azufreque cüiméboi máre. Que teni vainí tuiquiyebu áre yópe ñai áme áimacu jijecucure ái vainí tuiye báquepedeca aru ñai Jämenijicui yávaiyede coyucaipðesupe teyu, borocude

coyʉre, máre. Noi ñájinajarama na jāravʉre aru ñamine máre cainʉmua.

*Juan ॥i coyʉino Jāmenijicʉi bojedaiyena yaivʉ
bácavʉre ne daiye báque bojede
(Mt 25.41; Ap 2.11; 3.5; 21.8)*

11 Dinʉmʉre jācacʉ jabocʉi dobarō mearo cūináro, ʉrarō borō dobarōre aru ñai dobacʉre nora. Joborō aru cavarō máre bíjavū. Járobeteavū cojedeca. **12** Aru jācacʉ ina yaivʉ bácavʉ caivʉre, quíjinare aru bʉcʉvare máre, núrivʉre no jabocʉi dobarō mearo ʉrarō jipocai. Paperatucuboa voaino mateávū. Aru apetucubo paperatucubo máre, Jāmenijicʉi paperatucubo caivʉ ina jāravʉ cūiméjāravʉ baquinóre cʉvarājivʉ ʉque ne ãmiáre toivaitucubo voaino mateávū. Aru ina yaivʉ bácavʉ ñájicōjeimara mateima yópe ne daiye báquepedeca aru iye toivaiye cʉepedeca ditucuboa paperatucuboai. **13** Caivʉ ina yaivʉ bácavʉ jia ʉradai cátēima no jabocʉi dobarō mearo ʉrarō jipocai. Aru caivʉ ina yaivʉ bácavʉ coreivʉ bácavʉ ne cʉrōi máre cátēima no jabocʉi dobarō mearo ʉrarō jipocai. Que baru caivʉ ina yaivʉ bácavʉ cátēima nore. Aru caivʉ ina ñájicōjeimara mateima yópe ne daiye báquepedeca. **14** Caride ina yaivʉ bácavʉ yainájarama cojedeca. Na mácavʉre coreino mácarō jarʉvaino mateávū toabo cūiméboi. Ina yaivʉ bácavʉ yainájarama pʉque, mamarʉmʉ ne bajuque ijāravʉi aru no yóboi ne ûmeque toabo cūiméboi. No toabobu yópe jia ʉradə uruinope ʉrarō baju. Nore ñájinajarama cainʉmʉa. **15** Caivʉ ina ne ãmiá toivaino cʉvabevʉ bácavʉ ditucuboi, Jāmenijicʉi paperatucubo caivʉ

ina jāravu cūiméjāravu baquinóre cavarājivu úque ne āmiáre toivaitucuboi, nárecabu jaruvaimara mácavu dibo toabo cūiméboi.

21

Juan ūi coyuino cavarō mamarora aru joborō mamarora

(Mt 25.41; Jn 4.10, 14; 7.37; Gá 4.26; 2 P 3.13; Ap 2.11; 3.12; 7.17; 19.7-8; 20.14)

¹ No yóboi, jācacu cavarō mamarore aru joborō mamarore máre. No cavarō javecarō mácarō aru no joborō javecarō mácarō máre bíjaiye bateávu. Aru diya jia utrada máre bíjaiya bateávu. ² Aru jācacu no ñimaro pueno mearo Jāmenijicu ñimare, mamaro Jerusalén ãmicuriñmarore. No ñimaro ñemene dávu Jāmenijicu jivateino cavarō mearo ūi curōre jocarī. Yópe nomió purubuocodo õi meadaiyepe torojure dacodo jímarepacu bacuyáre, nopedeca no ñimaro meadaino mateávu torojure daquiyepo aino Cristore. ³ Aru jápiacacu apeno yávaino bujino etaiyede no jabocui dobarō mearo coricacarōre jocarī. Bujiéque yópe arī, coyuávu:

—Caride Jāmenijicu cubí põeva que. Cucuyame náque. Aru nácapurvu ūi põeva marajárama. Jāmenijicuvacari cucuyame náque. Ne meareore jímu macuyáme û. ⁴ Turecuyame caiye oride ne yacoruare. Torojure dacuyame náre cainumua. Caiye javede cue báque jave bíjavu cari. Que baru põeva ye yaibénajarama. Chuomenajarama. Obenajarama. Aru ijibequiyebu náre máre, arī coyuávu.

⁵ Dinumure ñai dobacu jabocui dobarō mearora, yópe arī, coyuáme:

—Caride caiyede mamae dayubu yu, áme.

Aru yópe arī, toivaicōjeame yure cojedeca:

—Iye yávaiye métamu aru jāvetamu máre. Que
baru toivajacu mū iye ji yávaiyede, áme yure.

⁶ Aru ñai dobacu jabocu dobarō mearora, yópe
arī, coyháme:

—Quénoram. Yurecabu mamarumhacacu aru
yóbocacu máre. Yurecabu báyuh bácu, bubayuh máre.
Que baru cuhu yuh cainumua. Áchuh pōecuh ñi ñcuiyuru,
ñre jíchuymu yuh oco bojecuhbede no oco pīapóino
apure daiocore jocarī. ⁷ Yópe mearo dacachuyumu
yu ñai vainí tuyure ãmenore jaruvarī. Ñi mearore
jimuh macuyámu yuh. Aru jímacuh bacuyáme ñ.
⁸ Ñbenita caihu ina ñájiyuhbevu yure boje ne jidué
boje, aru ina dajocaivuh ne ju aiyede yure, ina
caijíle ãmene daivuh, ina pōevare boarī jaruvaivuh, ina
ãmeina daivuh apevhque némarebhucava ãmevhque,
ina yaviéde daivuh, ina mearore jívh pēpeimarare,
aru ina borochrivuh máre, caihu ina nrajarama ne
curájinoi, no toabo azufreque cūiméboi. Que baru
jëvari coyurī yópe ne yaiyepu püque nrajarama
na.

*Juan ñi coyhino mamaro Jerusalén ãmicurõra
(Mt 5.8; Jn 8.12; Ef 2.20; 1 Jn 3.2; Ap 16.1; 21.23)*

⁹ No yóboi, cūinácu ina siete paivuh ángeleva iduhá
siete paiduh jororuh ñájiovaiye buidídhu jororuhare
iye siete paive ñájiovaiyeque cuvarivuh bácacuhcacu
coyuhcdame yure. Yópe arī, coyháme:

—Dajacu. Jādovacuhbu mure ico nomiò
púrabhucodore Cristo, oveja jícu ne aimuhque, áme
yure ñai ángele, áme.

¹⁰ Aru ñai Espíritu Santo dápiaicōjeame yure. Que
teni ñai ángele nñavame yure cáracu ñmujuricu

páenoita. Noi cárivuta, jádovame yare no ñímaro mearo baju, Jämenijicui ñímaro Jerusalén ámicuríñímarore. No ñímaro émene daino mateávü Jämenijicai jivateino cavarõ mearo ui cárore jocarí. ¹¹ Jämenijicui cue boje nore, urarõ péoávü no ñímaro. Yópe cárabo cojidibo pare bojecúribore jári javaiyoibo jaspe ámicúribope péoávü no ñímaro. ¹² Pare ñamújurido biaido cárteavü no ñímaro yóbore. Dido biaido cárteavü doce paicobea jedevacobea. Dicobea jedevacobeará toivaino mateávü ne ámiá ina doce paiyajuboa Israecavü ne yajuboa ámiá coapa. Aru doce paivü ángeleva jári coreivü bateima dicobea jedevacobea coapa. ¹³ Yóbecúricobea jedevacobea cárteavü caiyovaicúvaipúravüai coapa. Aviá dainocapúravui yóbecúricobea jedevacobea cárteavü. Aviá daino meapúravui yóbecúricobea jedevacobea cárteavü. Aviá daino cárocopúravui yóbecúricobea jedevacobea cárteavü. Aviá doinocapúravui máre yóbecúricobea jedevacobea cárteavü. ¹⁴ No biaido me jájaro núvari daido bateávü cárava urava parurivará. Doce paiva cárava cárteavü. Diva cáravará toivaino mateávü ñuje ámiá ñuje doce paivü ñai ovejaíçui yávaiye méne beorí coyúnicójeimara ñuje ámiá coapa.

¹⁵ Ñai ángele yávayü yare cárteame cúnádo corevaiyo úruque daiyore, corevacayü no ñímarore, dicobea jedevacobearé, aru biaidore máre. ¹⁶ No ñímaro yóvaicúvaitóbhüa cárteavü. Caiye yóvaicúvaitóbhüa cúnáturü bateávü. Ñamújurõ vaibóque cúnáturü bateávü. Si corevaiyede coreóvame no ñímarore pácamil doscientos paikilometros baju ñamújurõre, pácamil doscientos

paikilometros baju joarõre, aru pãcamil doscientos paikilometros baju ẽrarõre märe. ¹⁷ No yóboi, corevame no biaidore märe. Yópe põeva ne corevaiyepe sesenta y cinco paimetros baju corevame no biaidore.

¹⁸ No biaido daino mateávã jaspe ãmicuriva cãrava bojecãrivaque. Aru no ïmaro daino mateávã úru me baju docãcãbeque. Que baru jivarãpe paino ẽbenita jãri javaiyoino mateávã. ¹⁹ No ïmaro jãjaro nûvari daino mateávã cãrava ẽrava parãrivarã. Aru divarã cãteavã apeva bojecãriva meava baju. Doce paiva cãrava bojecãriva cãteavã. Diva mamarãmãcava ïmaro nûrivarã jaspe ãmicuriva bateávã. Apeva cutuiva ïmaro nûrivarã zafiro ãmicuriva bateávã. Apeva cutuiva ágata ãmicuriva bateávã. Apeva cutuiva esmeralda ãmicuriva bateávã. ²⁰ Apeva cutuiva ónice ãmicuriva bateávã. Apeva cutuiva cornalina ãmicuriva bateávã. Apeva cutuiva crisólito ãmicuriva bateávã. Apeva cutuiva berilo ãmicuriva bateávã. Apeva cutuiva topacio ãmicuriva bateávã. Apeva cutuiva crisoprasa ãmicuriva bateávã. Apeva cutuiva jacinto ãmicuriva bateávã. Aru diva pinidãcava ïmaro nûrivarã amatista ãmicuriva bateávã. ²¹ Dicobea doce paicobea jedevacobea daino mateávã perla ãmicuriva bojecãriva cãravaque. Caicobea jedevacobea coapa cûináva perla ãmicurivaque daino mateávã. Aru dima no ïmaro ẽrama daino mateávã úru me baju docãcãbeque. Que baru jivarãpe paima, ẽbenita jãri javaiyoima, mateávã.

²² No ïmaroi jãmetecacã Jãmenijicãi cãramine. Caino no ïmarore Jãmenijicãi cãrami cãbeteavã.

Maje jaboch Jāmenijich parhch caivh pheno chabi caino no ñhmaroi. Aru Cristo, ñai ovejajíh, máre chabi caino no ñhmaroi. Que baru Jāmenijichi charami jahbevuh nore. ²³ Aru jahbevuh aviá aru aviá ñamicach máre ne pheohye nore. Jāmenijichi che boje nore, hrarõ pheoávuh no ñhmarore. Aru ñai ovejajíh pheoibhpe pheoñhme nore. Que baru aviá aru aviá ñamicach máre jahbema na nore. ²⁴ Caivh phoeva cainoa joborðacavh vaivárhjarama no ñhmaro miadáeque. Aru caivh jabova davarhjarama caiye ne chavaede, ne thauthrare máre no ñhmaroita. ²⁵ Caijárvha no ñhmaro jedevacobea voaicobea baquiyébu. Aru ñami chabequiyebu nore. Que baru no ñhmaro jedevacobea ye biebecobea baquiyébu cainumhua. ²⁶ Caivh phoeva cainoa joborðacavh davarhjarama caiye ne chavaede, ne thauthrare máre no ñhmaroita. ²⁷ Ubenita ye ãmeno chabequiyebu nore. Ye phoeva choyojeda teivh aru borocarivh máre ecobenajarama nore. Quénora caivh ina chavarájivh járvh chuméjárvh baquinóre Jāmenijichque ne ãmiáre toivaiye báque boje ãnitucubo, ñai ovejajíhi paperatucuboi, ecorhjarama nore.

22

¹ No yóboi, cojedeca ñai ángele jdovame yure cináda jiare. Diya jia meáda cojidiya etaivh no jabochi dobarõ mearore, Jmenijichi dobarõre aru ñai ovejajíh máre hi dobarõre jocar. Diya jia aphre haivh phevare mamañhmeque. ² Diya jia bejaivh ma hrama coricai no ñhmaro Jmenijichi ñhmaroi. Aru diya hcarhai caiphcapravhai jocacha aphre haicha chavh. Caiaviava jijárvha eaivh. Que baru doce paithvaboa caiujha coapa jidhare

jívu dicuá jocuáa. Aru dicuá jocuáa yoca meadaivu caivu pöevare cainoa joborõacavure. ³ No ñamaroi ye cübequiyebu caiye iye jorojñi järe däiye Jämenijicure. Que baru ye ãmeno ñájine daino pöevare cübequiyebu nore. No jabocu dobarõ mearo, Jämenijicu dobarõ aru ñai ovejajíci dobarõ máre, cübequiyebu no ñamarore. Aru Jämenijicure memecaipöeva mearore jínajarama áre. ⁴ Uí jivare järabajarama na. Aru uí ãmiáre toivaino maquiyébu ne tätvarä. ⁵ Ñami cübequiyebu nore. Maje jabocu Jämenijicu miadáre dacacuyume nócavure. Que baru jaübequiyebu náre pëoibua aru aviá máre. Aru nócavu jabotenajarama järavu cüiméjäravu baquinóre.

Juan éi coyuino Jesucristo copaidacuyure ijäravu i bedióva cojedeca

(Jn 4.10, 14; 7.37; Ap 1.8, 17; 2.8)

⁶ Dinumure ñai ángele, yópe arí, coyuáme yure:
—Iye ji yávaiye métamu aru jävetamu máre. Maje jabocu Jämenijicu, ñai majide ddayu bácu ina uí yávaiyede coyucaipöevare, daroáme yure uí ángelede, uí jädovaquiyepa ayu áre memecaivure iye vaiquíye jaüde maumejiena, áme ñai ángele yure.

⁷ Aru Jesúvacari yópe aibi:

—Jäjacu. Maumejiena dacuyumu yu. Torojärabajarama caivu me jápiarí ju aivu caiye iye Jämenijicu yávaiyede coyucaiyede toivaiye báquede itucubo paperatucuboi, aibi Jesús.

⁸ Yu, Juan, jápiacacu aru jäcacu caiye iye ji toivaiye báquede. Diede jápiarí aru järíburu

yóboi, ñuatutacacʉ yʉ ñai ángele ñi caboba yebai, ñai jādovañʉ mácu yʉre caiye iyede, mearore jíyuríduyʉ ñre. ⁹ Ùbenita yópe arĩ, yʉre mearore jícõjemeteame ñre:

—Que ñabejacʉ mʉ. Yʉ máre memecayʉbu Jāmenijicare mʉpedeca aru mívʉpe páyʉ máre, ina Jāmenijicai yávaiyede coyʉcaipõeva, aru nápe paivʉ máre, caivʉ ina me jápiarĩ jʉ aivʉ caiye iye toivaiye báquede itucubo paperatucuboi. Que baru maje jabocʉ Jāmenijicare cūináchra mearore jíjacʉ mʉ, áme yʉre.

¹⁰ Aru yópe arĩ, coyʉáme yʉre cojedeca:

—Joabejñotamu vaiquíno yópe iye toivaiye báquepedeca ditucubo paperatucuboi. Que baru yavebejacʉ põevare jocarĩ caiye iye Jāmenijicai yávaiyede coyʉcaiyede toivaiye báquede itucubo paperatucuboi. ¹¹ Dinʉmʉre caiye iye nópe vaiquínamʉre, ácu põecʉ ãmecʉ baru, ãmenore dare naiye jaʉvʉ ñre. Aru ácu põecʉ ãmecʉ baju baru, ãmeno bajure dare naiye jaʉvʉ ñre. Ácu põecʉ meacʉ baru, mearore dare naiye jaʉvʉ ñre. Aru ácu põecʉ meacʉ baju baru Jāmenijicare ñi memecaiye boje, mearo bajure dare naiye jaʉvʉ ñre, áme yʉre ñai ángele.

¹² Bedióva cojedeca Jesú, yópe arĩ, coyʉáme:

—Jājacʉ. Maumejiena dacʉyʉmu yʉ. Davacʉyʉmu caivʉ põevare ne bojede, bojedacʉyʉ caivʉre yópe ne daiye báquepe náre coapa. ¹³ Yʉrecabu mamarʉmʉcacʉ aru yóbocacʉ máre. Yʉrecabu cʉcʉ bácu caiyede cʉedaquiye jipocai aru cʉcʉyʉ caiye cūiníburu yóbore. Aru yʉrecabu

búyu bácu, bubayu máre. Que baru cavu yu Cainamua.

14 "Torojurājarama caivu ji meadaimara ne ãmene jarvaiye báque boje yópe ne jarvaiyepe docare ne joaiyede ne cuitótecajeare. Nárecabu ãicõjeimara márajivu dicu jocucu apure daicu jéiduare. Aru nárecabu ecoicõjeimara márajivu no ïmaro jedevacobeai. **15** Ùbenita no ïmaro jedevai mautenajarama caivu ina ãmena baju, ina yaviéde ñaivu, ina ãmeina ñaivu apevuque némarebucuva ãmevuque, ina põevare boaru jaruvaivu, ina mearore jívu pêpeimarare, aru ina borocuri jujobaiyurivu apevure máre, áme Jessús.

16 Aru yópe aru, coyuáme Jessús cojedeca:

—Yu, Jessús, darocacu ñai ángelede, ñi coyuquiyepe ayu caiye iyede mujare, yure ju aivure, muje cóijinoai. Yurecabu ñai jabocu David bácu pâramecu. Aru yurecabu ñai abiácoru pêoñu miadáre dayu, áme Jessús.

17 Ñai Espíritu Santo "Dajacu", ayube Jessure. Aru ico ovejaíchi márepaco "Dajacu", adobe Jessure. Aru caivu ina jápiaivu diede "Dajacu", ajaruri na máre. Yópe cûiñóimara ne pare ñcuiyupe ocore, nopedeca muja nñiyurivu baru Jûmenijicu curoi, pare ujaru Jessure. Ùtame yópe oco apure ñaiocope. Caivu áre urivu Jûmenijicu cure daimara marajárama ñi curo mearoi Cainamua bojecubeda.

18 Yu, Juan, mearo ñaicõjeivu paredeca caivu ina jápiaivure caiye iye Jûmenijicu yávaiyede coyucaiyede toivaiye báquede itucubo paperatucuboi. Põecu ñi toivaru apejuene

epechu iyeque, Jāmenijica pheno baju ñájine dachume áre iye ñájiovaiyeque, coyhye báquede ditucubo paperatucuboi. ¹⁹ Aru poeca ái táreni jarhvaru apejhene itucubo paperatucuboquede, iye Jāmenijica yávaiyede coyhcaiyede toivaiye báquede, Jāmenijica áre áicojemehume aphre daijochh jéidhare. Que baru me cárh buojabechume Jāmenijicaque cainhmua. Aru Jāmenijica cácojemehume áre no ñámaro mearo bajure. Dica jocacurh aru diñmarora máre coyhino mateávh itucubo paperatucuboi.

²⁰ Ñai caiye diede coyhu aibi:

—Maumena dachumu, aibi.

Que bajarhri. Mua, maje jaboca Jesús, dajaca.

²¹ Maje jaboca Jesucristo mearo dacajachri mujare bojechbeda ái me boje. Quédecabu. Quénoramu.

Majepacʉ jūmenijicʉ yávaiye mamaene coyʉitucubo

New Testament in Cubeo (CO:cub:Cubeo)

copyright © 2009 Wycliffe Bible Translators, Inc.

Language: Cubeo

Translation by: Wycliffe Bible Translators, Inc.

Cubeo [cub], Colombia

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cubeo

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

lxxx

please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files

dated 29 Jan 2022

dbd749ed-4c37-5cd8-b20e-caf1f8ff5885